

大清郵政局特准掛號認爲新聞紙類



摹顏平原東方先生畫贊碑額文


第八卷第四號

The Eastern Miscellany

EIGHTH YEAR

No. 4

泰山之絕頂



宣統三年五月二十五日

上海商務印書館發行
Commercial Press, Ltd., Shanghai

次期要目豫告

紀中國幣制改良始末

中國南方之通運事業

滿洲之將來

美國郵政

法內閣之辭職

歐洲之下流社會

美國精琦氏選舉論

再紀摩洛哥事件

歐美之關亡術

二千五百萬金圓之科學研究費

偵探犬

賓次花尼亞大學之猩猩

製 復 許 不		表 目 價 告 廣 誌 雜 方 東				冊 一 出 月		
宣統三年五月二十五日發行	每行五角半	普通	上等	特等	等第地位	郵費	定價	項 目
		半面	一面	一面	一冊	日本	現款及免票	一
分 售 處	一元五角	二十元	四十元	冊三	國本	三角一分半	冊六	
	二元八角四分五角	五十五元	一百元	冊半	本國	一元六角八分	冊十二	
二元八角四分五角	六十元	一百元	年全	年全	外國	三元一角半	冊	
二元八角四分五角	一百元	一百六十元	年全	年全	費外	一元四角四分	冊	

華陽陳仲逸
東方雜誌社
上海北河南路北首寶山路

商務印書館
上海四馬路書舖里口

商務印書館
北京奉天龍江天津蘇州
濟南太原開封西安福州
南京南昌漢口長沙常德
杭州南昌漢口長沙常德
成都重慶瀘州廣州潮州

第八卷第四號

宣統三年五月二十五日發行

書 尙 亭 慰 袁 之 中 疴 養

(也 弟 介 之 書 尙 者 篤 執 書 尙 爲 者 鈞 垂 樂 娛 之 書 尙




代 時 界 政 在

庭 園 及 宅 住 之 書 尙




湖 南 粵 漢 鐵 路 第 一 次 開 車 紀 念





測雨臺
 增李朝之世以宗王盛行文臺旁紀乾隆庚寅遵中國之英祖朝也

焉 之 滄 殆 此 名 爲 知 今 立 稱 後 午 也 而 使 中 以 門 恩 迎
 感 桑 有 門 矣 何 更 不 門 獨 改 以 甲 名 者 國 迎




陵 之 子 箕 賢 般

暹羅之君主

暹羅前王池拉倫康



去年西歷十一月薨逝
暹羅新王巴謝拉普德



即前王太子去年新立

暹羅之儲君



本年游歷北京在萬生園攝影


英 國 帝 國 議 會



務部第一次開會。此議會之情形。詳記事欄。

維多利亞紀會節之晚。英國各屬地首相。在外

英 國 屬 地 博 覽 會




會場在倫敦水晶宮內。分爲六部。(1)南非洲。(2)紐

芬蘭。(3)印度。(4)澳洲。(5)紐西蘭。(6)坎拿大。

法國飛行機之肇禍

法國陸軍大臣培拖氏。適當飛行機進行之衝。右腕為推進機所切斷。臣頭部又受重傷。立時殞命。首相摩尼氏驚走。其子攀之倒地。僅免於死。足部負重傷。鼻柱亦被傷。內臟亦受病。



法國飛行機競技會。於競爭中。一飛行機突於二十邁當之高處下墜。落於羣衆之上。壓仍進行不止。其時觀下者約二十萬人。擁擠之不能走避。故被壓者景頗多。首相陸軍大臣及高等官數名。均被飛機所壓。



摩尼氏曾任蒲度城上訴院檢事。後為上議院議員。遂為副議長。任司法大臣二次。本年二月。繼蒲利恩為首相。受傷後。語人曰。競技會勿因此停演。會中人承其意旨。接續演技。成績甚著摩尼氏經治療後。不數日。傷病全愈。

培拖氏為法國內閣之中堅。本為銀行家。入急進共和黨。後為軍人。任陸軍大臣已大二次。屢次被選為預算委員長。又為下院培之副議長。深得急進拖黨及社會黨之國情。本年二月間與尼摩氏提攜。組織內閣。



東方雜誌第八卷第四號目次

- | | | | |
|----------------|-----|-----------------|-----|
| ●禁止遏糴以抒農困議 | 采蘭 | ●三年中之四大革命 | 蓬仙 |
| ●利用自然說 | 笑凡 | ●葡萄牙之政變 附圖八 | 杜山佳 |
| ●論蓄妾 | 杜亞泉 | ●紀廣州亂事 附圖八 | 杜山佳 |
| ●英皇之加冕禮 附圖十一 | 倫父 | ●西洋立身編 | 前劉 |
| ●論中國外債及財政之前途 | 王我臧 | ●商業中之科學經理法 附圖三 | 甘永龍 |
| ●英國預算之海軍經費 附圖三 | 楊錦森 | ●歐美壽保險制度 | 王我臧 |
| ●日本之帝國主義 | 佩玉 | ●論病爲興國之基 | 高勞 |
| ●美國之新國民主義 附圖一 | 高勞 | ●西藏宗教源流考 附圖四 | 張其勤 |
| ●英國之帝國會議 | 倫父 | ●攝影術發明之略史及現今之方法 | |
| ●俄國之極東政策 附圖一 | 蓬仙 | 附圖二○ | 杜就田 |
| ●世界和平主義進行史 附圖四 | 甘永龍 | ●提倡木路汽車議 附圖二 | 鄭澤堉 |

●英國鹽業之發達 附圖五

楊錦森

●科學雜俎

續前

●小說情碎琴樓

何諷

第十二章 老魅泣李紳家瓊花疾嘔血自嚙其銅環

第十三章 瓊花病得奇夢乃授詞秋雨禱於金花之神

第十四章 老宿學訓子瓊花贈金成雲郎之孝

●理想新飛艇

天游

第十二章至第十五章

●中國雅樂

孫鼎

●雜纂

續前

小說考證

●中國大事記

●外國大事記

插圖

●養疴中之袁尙書 四幅

尙書之娛樂 尙書之住宅及庭園 在政界時代

●湖南粵漢鐵路第一次通車紀念 二幅

●朝鮮之紀念物 三幅

測雨臺 迎恩門 殷賢箕子之陵

●暹羅之君主 二幅

前王池拉倫康 新王巴謝拉普德

●暹羅之儲君

●英國帝國議會

●法國飛行機之肇禍 四幅

飛行機壓下之景況 陸軍大臣慘死之狀 首相摩尼 陸軍大

臣培拖

宣統三年五月二十五日發行

宣統三年五月二十五日發行

東方雜誌

第八卷……第四號

禁止遏糴以抒農困議

朵蘭
(徵文當選)

吾國近年以來。內亂之現象。日益顯著。揭竿斬木焚掠慘殺之事。日有所聞。論者輒歸咎於愚民之未嘗受教育。無政治思想。故地方創辦自治。則起而反抗。設立學堂。則又肆其焚毀也。其立論較深者。則歸咎於內外官吏。地方紳士。借憲政之美名。演誅求之實禍。致民窮無告。激而爲變而已。雖然。曾亦思亂非一人之所能爲也。物必自腐而後蟲生之。苟使天下晏然。無思亂之人。彼

一二莠民。其將誰煽。卽能煽而爲亂。其勢亦將不久而自平。吾國之民。戢戢於專制政體之下久矣。苟衣食裁足。事畜有資。又孰肯因政治之不合己意而起而反抗哉。然則今日天下之大勢。其非安固而不搖也。亦可知矣。

昔人有言。天下大器也。置之安處則安。置之危處則危。吾亦曰。天下者。天下人之天下也。舉一國之人而皆延

頸。以。望。治。斯。治。至。矣。舉。一。國。之。人。而。皆。疾。首。蹙。額。以。思。亂。則。亂。至。矣。斯。固。非。一。二。賢。君。良。相。之。所。能。撫。綏。抑。亦。非。一。二。亂。臣。賊。子。之。所。能。遽。挑。動。也。蓋。其。亂。之。原。醞。釀。之。者。既。久。而。其。亂。之。機。所。伏。者。亦。至。廣。故。一。旦。猝。發。如。千。鈞。之。弩。猝。然。奔。迸。如。百。丈。之。隄。忽。然。崩。潰。雖。有。賢。者。無。以。善。其。後。矣。然。則。亂。之。機。果。何。自。伏。乎。曰。民。之。好。生。其。性。然。也。苟。有。足。以。戕。害。其。生。命。者。則。必。起。以。抗。之。以。謀。抒。一。日。之。死。此。事。理。之。必。然。者。也。今。也。舉。天。下。之。人。而。皆。無。以。遂。其。生。而。皆。欲。憑。藉。腕。力。以。延。一。日。之。生。命。國。家。之。情。形。其。尚。可。問。哉。隴。畔。輟。耕。東。門。倚。嘯。一。夫。恣。睢。毒。痛。四。海。夫。固。非。一。夫。之。所。能。為。也。然。則。治。亂。之。原。其。可。知。已。舉。一。國。大。多。數。之。人。而。皆。望。治。則。治。舉。一。國。大。多。數。之。人。而。皆。思。亂。則。亂。此。殆。萬。古。不。易。之。常。軌。矣。吾。國。以。農。立。國。故。農。民。實。居。一。國。之。最。大。多。數。歷。代。之。治。亂。恆。視。農。民。生。計。之。舒。蹙。以。為。衡。此。徵。諸。歷。史。而。可。知。者。也。漢。文。帝。輕。徭。薄。賦。重。農。貴。粟。普。免。天。下。之。田。租。至。十。有。三。年。而。天。下。大。治。武。帝。東。征。西。

討。北。摧。強。胡。南。收。勁。越。又。恣。意。於。土。木。侈。心。於。神。仙。覈。其。所。為。去。亡。秦。蓋。無。幾。耳。而。潢。池。盜。弄。轉。瞬。救。平。昭。宣。蒙。業。漢。遂。以。安。則。以。孔。僅。桑。宏。羊。為。之。理。財。多。其。途。以。取。之。而。未。嘗。盡。責。之。農。民。也。王。莽。變。法。使。田。為。王。田。一。洗。漢。代。豪。強。侵。陵。分。田。劫。假。之。弊。又。更。幣。制。以。禁。逐。利。之。習。設。六。筭。以。權。徼。倖。之。民。其。用。心。豈。不。賢。於。桑。孔。萬。萬。王莽變法全是社會主義。然則平林新市烏合搶攘卒以亡新則以其變法之結果惡影響及於舉國之農民也。嗣是以降漢有黃巾之亂而州牧肆其割據其極卒分為三國。晉有王彌劉靈之徒之肆擾而劉石逞其凶燄北方遂淪於五胡。唐代藩鎮擅權宦官竊柄威靈不振極矣。然無黃巢之奮臂一呼則沙陀無所藉以逞其志而五胡十國之禍不遽見而後此之燕雲十六州亦不至淪沒於契丹。是唐室不亡於藩鎮不亡於宦官而亡於流寇也。宋代北見屈於契丹西受侮於元昊。國威陵替極矣。然無徽宗之淫侈蔡京之聚斂則國脈尚厚而北狩南遷之禍或不遽見於是時而後此。

江浙京湖羣盜幾徧亦幸而宗翰撻懶暮氣已深蓄意言和不復南下而宋得乘其閒暇之時從容戡定耳否則胡馬窺江舉國皆李成孔彥舟之徒也時事尙可問哉是則宋室亦不亡於兵力之弱不亡於財政之艱窘而亡於大多數貧民之擾亂也有宋以後元室之亡於羣盜盡人能言之而明以屢次加賦舉國思亂而張李之徒遂不可收拾我朝善觀世變加釐金以充軍餉轉移其負擔於商人雖至今日舉國訾爲秕政然在當時卒藉以鎮遏思亂之心而洪楊之大難遂以削平則尤其彰明較著者矣詩不云乎殷鑒不遠在夏后之世處茲民窮財盡舉國思亂之日宜何如優惠農民以祈天而永命也哉

吾國農民操業至勤而獲報至微有史迄今如出一轍而每逢叔季則其困苦尤甚蓋暴政繁興日事朘削一也一朝開國之初每當大亂之後兵燹誅夷死亡過半民窮則反本皆棄末作而務本業故室家殷富比戶可封一再傳後習於淫侈稍桀黠者則日事分利之業其

強者則攫人之所有以自肥其懦者亦日習於游惰而不自振生齒日盛而一國之中胼手胝足以從事於生業者仍惟此少數之農民則生計漸困生計困而服食居處一切之所以給其求而養其欲者已非復前日之可比也則愈困愈困而黠者愈思朘人之所有以自潤強者愈將攫人之所有以自肥懦者覩事生產之民之勤勞而無所獲也則彌習於游惰而此一二愿慤勤苦之民乃適當舉國上下敲剝朘削之中堅雖甚自苦亦終至不能自立而後已則舉天下無一事本業之民而大亂作矣嗚呼此吾國歷史上所以生齒繁殖常爲大亂之原而每閱數十年必經一次之大亂無能幸免也此其二也夫生齒歲增則食料之需求亦愈衆苟能善從事於保護獎勵則斯時之農獲利必愈厚而民之轉而緣南畝者亦將日益多而無如當斯之時敲骨吸髓之政必益繁興恆使農民之所獲不足以償其所失不但此也農民資本微薄今歲薄有所獲則將恃以爲來年播種之需又其業之羸絀半聽諸天時豐年苟有

贏餘。不得不儲爲凶年之預備。苟誅求竭其所有。則田
荒不治。餓殍載道之現象。必將日甚。匪特事農業者不
能緣之而增多。且將因之而見少。夫至於生齒日繁。而
事生利事業者轉益少。一國生計界之情形尙待問哉。
而斯時之敲剝。削者顧仍於少數之農民求之。則農
民之困苦可知矣。此其三也。凡此皆歷代叔季之世所
以致四海困窮之原因。而亦即其所以召侮速亡。至於
大亂而不可救之道也。嗚呼。往者閉關獨立之時代。猶
如此。況在今日瀛海大通。生計競爭日益劇烈。外人日
挾其資本技巧。以與我競爭。我農民之副業。且半爲所
奪者哉。

語亦有之。因者易爲功。創者難爲力。吾國農業。國民習
慣。既數千年。若商工則固皆在幼稚時代也。今日欲增
殖國富。獎勵商工業。其事必較難於農。此盡人所能知
也。不甯惟是。凡事之進行。必有一定之秩序。以吾國今
日之情形論之。斷無能一躍而遽進於工商國之理。又
自地理上之聯繫論之。吾國爲天然之農國。即在他日

亦斷無舍農而專恃工商以立國之道也。顧今之論者。
日汲汲皇皇。一若但獎勵工商業。即足以與外人競爭
者。而於農業則淡焉忘之。夫工商業甯可不事。雖然。中
國數千年來。既爲農國。今日全國大多數之民。既爲農
民。則在今日欲圖多數國民之樂利。必不可不於農民
加之意。且中國今日之生計界。亦決非擴張其勢力於
國外之時代也。舉一國大多數之民。若枯魚之困於涸
轍。望涓滴之水。以延生命。不此之急。而日惟粉飾獎勵
工商業之外觀。置多數農民於不顧。不其愼歟。使一國
大多數之民。皆轉於溝壑。雖振興一部份之工商業。豈
足以救之。而況乎今日之所謂振興工商業者。又徒事
外觀。不求實際者哉。

曷言乎中國今日置多數之農民於不顧也。乃者。朝
廷亦嘗改商部爲農工商部矣。朝野有識之士。亦汲汲
言興農學。阜農財。勸農工矣。夫欲興農業。誠不外乎興
農學。阜農財。勸農工三者。蓋知識既高。則石田可爲腴
壤。資本既厚。則用力少而成功多。趨事者勤。則生者衆。

而食者寡。三者果克收其效，中國之農業，誠不患無蒸
蒸日上之情形也。雖然，若今之所爲，則又陳膏粱於病
夫之前，侈羅穀於寒凍之際，雖美而弗適於實者也。何
以言之。今欲興農學，則必曰設農業學堂矣。設農事試
驗場矣。然而果能遍設耶。即能遍設之，彼負耒之子，南
畝之夫，豈其肯輟業而來觀。即來觀亦徒哆口而結舌
耳。有一二明悉農學者，方且高自位置，自居於士大夫
之林，囚體不勤，而猶以爲苦。其肯胼手胝足，與勞農共
朝夕乎。欲言阜農財，則必曰設農業銀行。固也。然以今
日之情形，資本果能集耶。即能集之，孰能任其事。以中
國商家之道德，而與言農業銀行，其不倚勢以敲剝農
民者，幾希矣。以今日之農民，而與言農業銀行，其不借
資以資飲博者，幾何矣。彼謹愨者，則固視銀行與我無
與。終歲不過問也。以言乎勸農工，則今日部臣所恃以
獎勵實業者，唯虛榮耳。雖然，此豈農民之所慕者耶。慕
虛榮者，豈可復爲農民耶。夫以事理之常論之，興一利
恆不如其除一弊。何者，弊不可得而除，則利終不可得。

而興也。以中國今日之情形論之，則行政之官吏與社
會上挺身任事之人，十之九皆生息於弊之中者也。夫
以財政學上之原則論之，則天下誠無不欲作弊之人。
特貴有箝制之法耳。而今日之中國，則箝制之法最不
完備者也。職是故，無論如何興利之事，鮮有不變而爲
弊藪者。與其言興利，莫若言除弊。蓋興利多積極的，易
緣以爲奸。除弊多消極的，欲借以作弊較難也。
居今日而言除弊，以蘇農則莫若絕遏糴之政。夫遏糴
事之至愚者也。春秋之時，列國並立，即懸爲厲禁。夫列
國並立，鄰之厚我之薄也。然而猶戒之，誠見其害未見
其利也。今者海內一家，普天之下，莫非王土，率土之濱，
莫非王臣，顧乃行此右手操刀以戕左手之政策，豈不
謬哉。請言其弊，物貴流通，生計學者有言，任物自競，其
價必趨於平。猶內湖之水與外湖相通，欲其水面之有
低昂，不可得也。今也，或省而界，或府而界，或縣而界，乃
至鄉而亦界，村而亦界，多所壅則多所滯，物之價乃不
平而闕乏之禍乃大著矣。其害一也。果使凶荒宜合全。

國之民以謀節減食料而欲收此效其機恆握諸商人。今使湖南米貴湖北米賤則米商將運湖北之米以入於湖南而湖北之米價貴矣。湖北之米價貴則湖北之人將省其糗餌粉飴之費以供飯食。又不給則舍飯食而饘粥焉。而湖南之飢者粥矣。粥者飯矣。今也不然。畫湖以北爲鴻溝而曰自此以往其米不得輸入湖南也。則湖北之人或饜糗餌粉飴而湖南之人有半粟不飽者矣。豈理也哉。此物之所以惡夫壅也。其害二也。昔人有言糴甚貴傷民甚賤傷農。故有耕九餘三之策。豐年則倉而藏之以爲凶荒之備。此在古者交通不便之時。一山一水之隔其民卽不相往來。此區之粟賤固無由糴之他區。此區之粟乏亦無望他區之輸入。故不得不行此實物儲藏之拙策也。今也不然。通商之區域廣矣。河內凶可資河北之轉漕。河北凶且仰河東之輸輓。但使商旅之蹤跡常通。居民之資財不乏。合舉國之豐凶以相劑。何患無致粟之途而行此不救災不恤鄰之惡政哉。夫所貴乎通商者爲其能劑甲乙兩地之有無而

各給其求養其欲耳。今也設浙江豐而江蘇歉。則江蘇之民所蘄者粟耳。而浙江之民所蘄者財。有商人以溝通之。則得粟得財。各如其願。而江蘇之民不致轉於溝壑。來年可更從事於生利之途。浙江之民亦以得財故而益恢其業。來年之生產將大盛矣。使行古者常平義倉之策。浙江之民窖粟而藏之。凶荒則有備矣。然自豐年藏粟之日。迄凶年發粟之時。其間所儲之粟皆絕對的不能生利者也。夫所貴乎資本者爲其能藉之以生利也。今也窖而藏之。使不生利。則何貴有此資本哉。雖曰凶荒有備。然使當豐年而售此粟。以其所得之財更恢其業。豈慮凶荒之無備乎。不此之務而窖而藏之。一時若不傷農也。而不知居民喪食賤粟之利。商人喪轉輸之利。其弊亦終必有中於農民者矣。而況乎今之所謂遏糴者。非備荒於豐年。皆當鄰境饑饉汲汲待賑之時。而遏之。糴乎。夫如是。徒使本境之民因價賤而妄耗其食料。商人失轉輸之利。而農病糴賤耳。可謂有百害而無一利者也。夫古者通商之區域狹。民食無以相調

劑然猶慮農末之或傷而行是斂散之策以救之也今也通商之區域既廣矣民食有天然調劑之方而農末皆不虞其或病矣而其所以務求病農末而壅絕民食也顧若此可不謂之大惑哉其害三也遏糴之說其初僅欲使毋出洋此已背於生計學上之原則矣然其惑猶可恕也雖然禁米出洋之說亦久矣迄於今果能禁乎果使大弛其禁吾敢決言出洋之米亦不過此數或且不及此數何則物價之相劑而趨於平此生計學上之原則未有能背之者也今也使腹地米貴而沿海之區米賤使縱沿海之米入腹地則沿海之米價貴將與外洋等矣否則亦相去無幾耳價等則販者無利而自止相去無幾則販者勢不能多今也壅而絕之則沿海之米價與外洋相去絕殊而販者必滔滔不可止彼行遏糴之政策者固自謂能禁之也然觀諸十年來之成效則亦曷嘗見其能禁耶夫沿海之民果饒於米則輸諸外洋與輸諸腹地其獲利誠亦無別雖然果能聽其輸諸腹地則腹地之民緣是而獲食矣而國際貿易亦

一變而爲內國貿易凡一切緣於貿易所得之利潤亦皆內國人享之矣吾不知今之行遏糴政策者果何惡於中國之民而必欲多設禁令使內國貿易一變而爲外國貿易而飢民且緣之乏食也其害四也客歲湖南荒歉湖北遏之糴而湖北亦乏食江西又遏之糴鄂督乃招商購米於南洋頌之者曰是能購外洋之米以接濟內地也雖然使湘鄂贛三省有無相通更不足則全國更與之相通亦豈必慮其不足者果使不足則外洋之米亦必能輸入以爲之接濟而何事於汲汲招商購運爲也今使湘不足則濟之以鄂鄂不足則濟之以贛贛不足則濟之以他省他省不足則更濟之以外洋與運外洋之米以接濟湘鄂者果有何殊異而多此紛擾爲也吾敢斷言之曰此等政策皆獎勵外國農產物之輸入者耳其害五也旱地不可以栽稻而或可以植麥水田不可以栽麥而或可以植稻即使水旱俱災稻麥皆不能植或猶可以栽雜糧雖然民必有資本以購種子事樹藝又必有資財以飽暖其身然後可從事於力

作。今也。一省饑荒。鄰境務遏之糶。則其地之民不獲食。賤米之利。必不能更樹。執以圖收穫。將散而之四方。而南畝荒矣。豐收之地。之民又不獲高價。以糶其粟。則資本不增。不能更拓張其業。而自四方來之飢民。又將從而擾之。而業亦墮矣。易兩利以兩害。愚未有甚於此者也。其害六也。古訓有之。生之者衆。食之者寡。爲之者疾。用之者舒。則財恆足。故曰。一夫不耕。或受之飢。一女不織。或受之寒。蓋天生民。而使自勞苦其心思。勤動其手足。以自求其衣食。苟其違之。未或不匱者也。髮捻平定以來。海內無大兵革。生齒既日繁矣。生齒日繁。則食料之銷耗亦彌廣。使南畝之子。皆輟業以嬉。國未有不匱者也。今也行是種種厲農之政策。必使農人無利可圖。雖日言勸農。庸有濟乎。循是不變。是使天下之人。皆怠於耕。而舉國皆入於飢寒之途也。民困既甚。內亂將作。其害七也。國際貿易。年爲負差。吸精吮髓。將無以立救貧之策。必大獎勵貿易輸出。使超過輸入。而後可。雖然。此非可以空言致也。必內國之貨物。確有足以供外國

市場之需要者。而後可。此其事。欲獎勵工商業。使一蹴以幾則甚難。惟農業。則以我國土地之膏腴。人民之勤苦。稍加獎勵。可以不勞而致。今也不然。行是種種妨農之政策。則吾國之貿易。長不得興。盛而對於外國。將永處於債務之地位。賠款外債。既已不堪。負擔矣。況益之以貿易之負差。農困不舒。亦既足以兆亂矣。況益之以外人之朘削。雙軌並進。亂機益亟。其害八也。生活程度。民各不齊。今使甲地之民力。能致精鑿之粟。而不足以食之。則將糶其精鑿之粟。而更購粗糲者。以供食用。此猶織錦之女。鬻錦而衣布。而更以其餘錢購粟也。今也遏絕之。使不得通。是使織錦者。必衣錦而不得鬻錦。衣布更以其餘錢購粟。以求一飽也。夫以吾國民之生活程度。實低於外國人。此亦豈可爲諱。抑亦甯足爲諱。向使無運米出洋之禁。則十年以來。吾國之民。以其食料之精美者。售諸外國人而已。則食其較次者。一轉移間。獲利不知幾許矣。夫百貨之相灌輸。猶水銀之瀉地。苟其地之民。以其地所產食料之精者。轉售於他方。而更

求其次者。亦豈慮其無途。以輸入。而今也。必行操刀代
斲之政。慮其所不必慮者。而不慮其所當慮者。此等保
民之政策。惡在其爲保民也。其害九也。吾國之農業。多
爲小農制。蓋吾國之民。長於勞力以自謀。而拙於鳩資
以營業。此無可爲諱者也。抑向者水耕火耨。皆沿用舊
法之時代。固亦無事於鳩資購器。求廣大之耕地也。今
也求廣大之耕地。集雄厚之資本。以利用文明之新器。
固可以獲大利矣。雖然。此其事我國今日能行之乎。且
弗論老農。卽今之號爲振興實業者。亦未必有此資本
有此能力也。抑豈特中國。彼西人之論大農制者。固亦
歎其利而不能掩其弊矣。故以中國而望行大農制。其
事必在百年以後。而在今日。則全國最大多數之民。號
爲國家所託命者。因此散在全國之小農也。夫小農之
資本。大率微薄。苟一遭意外之變。則卽無以爲耕耨之
資。而南畝將荒。故保護小農。最難。而其事亦最亟。今者
遏糴之政策。其厲農旣如此矣。以魄力微小之小農。當
之。未有不宛轉憔悴。日卽於溝壑者也。其害十也。濟貧

之策。本非可以常行。以其長僥倖而阻人自立之念也。
今也遏糴之策。與濟貧之政何異。雖然。直接以濟貧。此
猶不過公家糜無益之帑項。以養成不事生產之民云
爾。其於勤事生產之民。其害固猶爲間接也。今也遏糴
之政行。則是直接厲事生產之民。以養游手好閒之人
也。其爲博禍。甯可思議。其害十一也。嗚呼。有此十一害。
而猶自謂其足以恤民。是何異謂飲鴆之足以引年。剋
肉之足以補瘡哉。而舉國士夫。一唱百和。行政官吏。從
而徇之。詩曰。其何能淑。載胥及溺。又曰。如彼泉流。無淪
胥以敗。此則可爲痛哭流涕者也。

今者。欲抒農民之困。則其事首在禁止遏糴。非謂恤民
生而固國本。事遂止於此也。雖然。他事行之。皆須歷時
日。惟此事則可沛然行之於崇朝。而其效之大而普。又
非設一農業學堂。闢一農事試驗場。開一農業銀行。支
支節節而爲之者可比也。今宜請於農工商部。或資政
院。專摺具奏。請特降諭旨施行。能並出洋之禁。而弛
之上也。否則亦宜全弛內國遏糴之禁。自今以往。全國

無論何省府廳州縣。不論若何荒歉。止准設法振濟。不准提及遏糴一字。有創議者以違旨論。從重治罪。如此則一國中。此疆彼界之葛藤。倏焉銷除。民生既抒。農業自振。行之數年。更弛出洋之禁。輿論翕然矣。可與樂成。難以慮始。此之謂也。或曰。食爲民天。故米穀之爲物。不能與他種貨物一例視之。一朝闕乏。飢民必將激而生變。彼各地方之遏糴。以自衛者。非好爲之。亦有所不得已也。今子執一成不變之法。謂無論如何。決不准提起遏糴一字。則各地方當凶荒之前。無以預爲之備。一旦饑饉。必至挺而走險。貽害將不堪設想矣。不知向者之饑饉。所以易於成災者。由於各地方皆遏糴。以自衛。飢鄉無所仰。以資轉輸。故一朝不幸。遂至餓殍載道也。今各地方均不准遏糴。則依凡物自競。必趨於平之公例。自無甚豐。甚歉之鄉。又何至因饑以釀變哉。難者又曰。各地方之民。生活程度。萬有不齊。卽如江蘇之米。常貴於湖南。客歲湖南因米貴。故抗官焚衙。幾釀大變。核其米價。與江蘇固不甚懸殊也。我國疆域廣大。五方風

氣不齊。全國不乏僻瘠之區。子策苟行。瘠區之米。將沿沿輸入於鄰境。且將源源運出於外洋。而瘠區之米。價將倏與富庶之區等。民其何以堪之哉。應之曰。所謂荒歉者。非乏米之謂。而民貧之謂也。吾國之人。向來昧於此觀念。故一聞某地方荒歉。則必曰。此某地方。因水旱之故而米穀歉收。因米穀歉收之故而民無以爲食也。殊不知。乃因歉收之故而民貧。因民貧而衣食不能自給耳。今試設譬以明之。有一家於此。兄弟十人。皆以農爲業。其九人舍農之外。皆不能他有所事。惟季弟一人。除耕田之外。兼能爲縫工。則一旦歲歉。其兄九人必皆衣食不周。而季弟則可執縫業以爲養。日有所入。以餬其口。雖與未嘗荒歉時等焉。可也。是可見饑荒。非能直接使民無食。民之無食。由於以耕爲業。饑荒則足以喪其業之所入耳。此猶錢業倒閉。則各都市之商家。必大起恐慌。又如有大工廠折閱。停罷。則工廠附近之細民。必因失業而滋擾。其事雖殊。其理則一。特吾國向者。無大工業。又無大商家。故其情狀不顯著耳。西國工廠。每

逢工人同盟罷工必大起恐慌竭力鎮壓此其理正與吾國之慮飢民聚而滋事等也明乎此則救濟之之法亦可以瞭如矣失業之民必能使之得業然後其困可舒徒與之以廉價之食料無益也何則其所需者固不僅米穀也苟使此邑之民除食料以外凡百資生之需皆充物有餘而惟闕米穀以爲食則蚩蚩者流豈不能持貨以易穀而商人嗜利如命亦豈其不能輸入米穀以與之爲市也則可見一地方之民食所以缺乏者非由其地農田之歉收實由該地方之民貧困已極無所持以與人爲易故商人之販運米穀者亦裹足不出於其途耳然則當斯時也而欲振濟之惟有二策一則與之以足以養生之資財使之持以市物否則舉凡該邑之民資生所須之物皆輦而致之而畀之耳雖然此其事皆不可以久者也則欲振其困仍惟有使之能執一業以自養之一法夫欲使民有業可執以自養則當如吾之說使粟之流通日廣農之獲利日厚乎抑當如今遏糴者之策使饒於粟之農不獲高價以爲糴缺於財

之民不獲購廉價之食料民日貧而農業日以萎縮乎斯固不待煩言而解矣且夫瘠區之米運出於富庶之鄉非富庶之鄉之民終其臂而奪之也亦必有所持以易之彼富鄉之民喪所持而獲粟瘠鄉之民喪其粟而獲所易其得失適相均也一旦瘠鄉之民缺於粟則更可以向者糴粟所得之財轉而購粟於鄰境而何乏食之足患且一人之身而百工之所爲備養欲給求非徒有粟而遂足今必使有餘粟者窖而藏之於家否則以廉價售之於當地而不許其致之遠方以牟優厚之利此瘠區之所以終於瘠也難者曰瘠區之民不皆恃農以爲生也如子言農民則得矣事他種生業之民若之何應之曰此則吾向者所謂直接厲生產之民以養游手之民之說也譬有一邑於此饒於粟聽其轉輸於他邑則粟石價將十千否則六千而已秉斯邑之政者皇然慮之曰粟石十千民將不堪乃遏之不使售出於鄰境於是粟石保其六千之價夫如是不啻對於農民課以每粟一石納稅四千文之負擔而於不事農業之人

則每食粟一石助以錢四千也。徒取諸彼以與此。有是理乎。果使農民獲利豐厚。必更斥其所得之資以營他業。而四民皆沾其利潤矣。難者曰。斯固然矣。其如他日之利潤不能待。而當前之米貴不能支。何應之曰。是則有救濟之法。度一邑最貧之民所能食之穀價。立以爲限。逾於限。則由官籌款購米。照此價平糶。使至貧之民得食之。至米價復於此限則止。如是則農民可自由糶其米以獲利。而貧民仍不至乏食。一舉兩得矣。難者曰。如是與遏糶何異。應之曰。是大不同。遏糶之法。強使本

境之米價賤。人人得食之。雖陶朱弗能禁也。行吾之策。則得食廉價之粟者。惟至貧之民耳。一則舍富而恤貧。一則刻貧以優富。此其所以爲不同也。且子知遏糶之政。與恤貧之政無以異。則易言矣。彼恤貧之政。固非可以常行者也。

按本論頗多精到之處。而間有不純粹部分。卽如弛米穀輸出之禁。於國家之利害如何。本論未研究明確。似未可輕易論斷。又論文中。有自今以後不准提及遏糶一字。有創議者以違旨論從重治罪數語。亦失分際。大與言論自由之立憲政治相悖。附誌於此。以質諸著者。編輯者誌

利用自然說

笑凡（徵文）
（當選）

世界之所以文明。國家之所以隆盛。胡爲而致歟。或曰。原於學術之昌明。與政治之完善。而學術之所以昌明。政治之所以完善。又胡爲而致歟。或曰。天生聰明睿智。神武不殺之士。爲之著作。爲之建立。以致之也。噫。此忘本之論也。夫學術之進步。政治之改良。豈皆出於聰明

睿智神武不殺之士耶。豈皆聰明睿智神武不殺之士。冥思獨想。果決專制。以搆成之耶。竊縱覽古今來歷史。衡究東西洋學術。恍然而得其朕。其朕惟何。利用自然。是已。何謂自然。卽萬事萬物自然之現象。自然之變化。自然之結果。是也能利用自然。則雖非聰明睿智神武。

不殺之士。亦可以發明學術。進世界於文明。改良政治。致國家於隆盛。否則惟聰明睿智神武不殺之士。足以遺毒世界。破滅國家而已。於學術政治亦何益哉。不觀達爾文乎。幼時亦一常兒耳。乃追求種源之迹。發明進化之理。遂破歐洲數千年之迷信。開西洋今日之文明。豈有他哉。亦不過聚集若干數之動植物。而研究其自然之現象。以得之耳。各種機械之奇妙製造之精巧。豈果西人能造物哉。要亦不外研究萬物自然之現象。而利用其自然之結果。如火炎水下。光射電流。壓力之平均。勢能之不滅。物質不增減。而化合異性質。吸力無差。異因距離分大小。等自然之理。西人能利用之。故演成今日光怪陸離之世界。非西人果獨稟奇資。閉戶冥想。能構成萬一者也。故語云。世界乃一部大書。在吾人善讀之耳。至哉言乎。此猶就有形科學言也。至於哲學。則似在內而不在外。然考哲學之起源。亦何莫非藉自然之事理。以爲推想之根據。惟後之學者。偏於內而略於外。故重懸想而忽自然。在西洋自唯物論興。種源論出。

各實科之發達。揭出其種種之謬誤。懸想哲學。遂爲之推倒。而自然哲學出焉。海哲爾其最著者。嗚呼。舍自然外。尙復有何學之可言哉。在吾國。秦以前猶知利用。如周易所謂載道之書也。亦不過見物畫卦。觀象繫辭。據自然之事理。以定一般之公例耳。孔子者聖人也。然觀大學所記一切之根本。惟在格物。格物爲何。卽研究自然之理。求知所以利用之道也。孔子少賤。長又不遇於自然之研究。甚富利用之法。甚嫻。故能學集大成。爲天下後世崇拜。若諸子者。亦各於自然之理。有一得。故能立說名家。著書垂後。此非余之意揣也。觀各子書。每言一理。莫不引一事。或一物之自然現象。自然結果。以爲之證。非如此者。則類多荒謬。以吾人今日之眼光視之。幾不堪一盼。至漢則皆從事糟粕之研究。自然之理。幾無人過問。佛學入。宋儒出。又皆務爲心性之學。有玩物喪志之戒。所務愈高。所失愈遠。自後學者。從事雕刻。競尙詞章。有讀書萬卷。下筆千言。而不能識一尋常之事理者。噫。中國學術之所以沉晦。有退化而無進步之由。

其在此乎。至於政治。泰西各國強盛。豈其執政者皆神聖歟。夷考其微。亦不過利用自然。以致之耳。無論立憲國、共和國。皆莫不本民情自然之趨向。以定行政之方針。故立一法。舉一事。必謀之國人。採之輿論。而決之於議院。如是。則各得自然。法安有不善。事安有不成。如春夏之木。遂其性而無傷。必滋生。莫已。國家安得不強盛哉。老子云。爲而不恃。長而不宰。爲者敗之。執者失之。人法地。地法天。天法道。道法自然。未嘗不歎老子之眼光。獨高千古也。亦以其爲守藏吏。於歷古之治亂得失。無不悉究。見自有文字來。無完全之政治。而其弊則皆由於恃少數人之聰明才力。輕用天下。雖然。其所見甚是。而其理想則甚謬。故其道乃至於大相反。彼以爲質。自然也。文非自然。而務歸真反樸。絕聖棄智。使民無知無欲。而後無不治。殊不知質自然也。由質趨文。亦自然也。老子不解此。故其術乃至於違自然。李斯本之以治秦。遂以誤天下。其遺毒至今。猶不能滌除盡淨。哀哉。而孔子則聖之時者也。其論治國之道。莫不本於人情。平天

下之要。則在於格物。孟子論用人行政。當詢諸庶人。之二子者。是皆能利用自然。以爲治者也。中國解此者少。益之以封建。改爲郡縣。揖讓變爲家傳。其有才智之君。則以爲小民難。以圖始。時勢可以造成。雖食其福者。固不尠。然其弊。不至於擾亂國家。則不止。其庸懦者。惟謹守先人之法制。雖時移物換。萬不能通。而猶不敢稍變。其卒也。至於國家破裂。而不可收拾。善哉。舒賓塞曰。羣制高於民品者。憂。民品高於羣制者。危。今日之中國。羣制高於民品歟。民品高於羣制歟。吾不敢斷。然觀近數年來。求自由也。求平等也。請立憲也。請開國會也。則民情自然之趨向。似在此。而不在彼。奈何執政者。猶不知所以利用之。坐令錦繡江山。供人削割。英蓬民氣。任意摧殘。準天演之公例。推自然之結果。吾國前途。何堪設想。故吾爲此說。吾願吾國學者。毋徒拾古人之餘唾。奉爲圭臬。須究自然之現象。而求真理。執政者。毋徒恃一人之見解。以爲至當。須順自然之趨向。而決是非。吾願可償吾國。其有豸乎。

論蓄妾

杜亞泉

西洋社會之文明。發源於個人之獨立。東洋社會之文明。發源於家族之聯繫。此世人之所公認者也。二者各有特長。而亦各有其弊害。西洋今日之社會。通例爲一夫一婦之小家庭。甚至以生育子女爲苦厄。生齒之不繁。遂爲社會上重大之問題。而我東洋之社會。則以家族制度重視血統之故。務爲繁殖子姓之計。至留遺未開時代一夫多妻之陋俗而未之改革。何東西社會間。傾向之大殊。而其弊害。乃適相反歟。

社會文野之程度。視女權發達之程度以爲準。此歐美社會中一偏之論。其極端。至以女尊男卑爲文明之模範。予輩未敢深信。卽男女平等爲自然不易之至理。而誤會其說。亦足以乖女子之天職。妨兩性之平衡。今日東洋之女子問題。猶在研究時代。予固未敢遽加論斷。至蓄妾一事。其爲有乖人道。固已無待猶豫。此而不去。則所謂男女平等。女權發達。諸說。直無庸置議。語成吉

思汗以立憲制度共和政體。亦不入耳之談矣。我東洋民族。自視其社會之文明。固非甘居於劣等者。今歐美之社會。若婦人解放問題。若女子選舉權問題。方羣相研究。以冀實行。而我東洋社會。猶未明認女子之人格。視爲物類。而得設置所有權於其身體之上。是非我東洋文明之一大污點乎。

今日我社會中之蓄妾者。以中流以上之富裕者爲多。而尤以居高官享厚祿者爲甚。彼等之蓄妾。除淫逸無度以外。殆無其他之目的。其爲嗣續之故。不得已而爲之者。蓋甚尠。我社會之中。雖容許蓄妾之制。亦限於維持血統之必要。非所以供淫逸也。彼等之所爲。直辱沒我社會。玷污我文明。詎得以家族制度爲藉口。然使彼等得假爲護符。恣其淫逸。不受社會之制裁者。家族制度中容許蓄妾之制。亦不能不尸其咎。我東洋民族。果欲發揮其固有之文明。使家族制度。益臻於圓滿。則蓄

妾之制有不可不剷除淨盡者矣。

予之所以欲剷除蓄妾之制者。非欲僅於形式上表示社會之文明。實欲於實際上掃除社會之禍害也。我東洋民族。因此蓄妾之制而所受之禍害。實可謂至慘而且烈。一家族之中。以蓄妾之故。害其平和。因而損失名譽。損失財產。損失生命者。不知凡幾。閱之族。溫飽之家。每因此而顛覆。此蓄妾之制。本爲維持家族之生命。而留遺而適以釀成亡身破家之慘。則亦可以廢然返矣。我東洋之社會。本爲家族之分子所構成。而蓄妾之制。實爲家族之分子間所含有之毒素。此毒素不撲滅。則分子不全。健社會之全體亦遂受其病。此固可以理論推而知之者。況證之事實。則社會之受其禍害。尤爲顯著。試翻閱吾國四千年以來之歷史。風雲擾擾。事變紛紛。若所謂宮庭之禍。宦官之禍。外戚之禍。固無不因蓄妾而發生。卽其他興亡之跡。爭戰之端。若求其原因。窮其竟委。殆無不胚胎於女禍者。宗社播遷。生民塗炭。殷鑒不遠。誰爲厲階。攬六代之山河。盡銷磨於金粉。弔

古者有餘痛焉。吾願吾國民讀歷史而憬然悟焉。夫國家之敗。由於官邪。官之失德。由於奢侈。今日國家之糶糶雖薄。其祿詎不足以代耕八口之家。何至不能自給。胡以貪墨相尋。既爲公家之害。而察其私計。猶復負巨額之債務。破其產而不能相償。豈果廉吏之不可爲耶。夷考其故。則實以淫逸爲惟一之原因。勳門華胄。高官顯宦。侍妾滿前者。無論矣。下至草茅新進。升斗小吏。亦復藏嬌納寵。相習成風。淫靡之氣。薰蒸於都會之中。徵逐之夫。競廁於搢紳之列。政治界中。直摩門教徒之淵藪耳。無論其淫昏之狀態。決無整理政務之精神。卽就其個人之享用。家庭之揮霍。觀之。實有使彼等不得不喪失其廉恥。汨沒其良心之勢。蓋淫則必奢。奢則必貪。皆相因之結果也。今日之賄賂通於上。搜括竭於下。國弱民貧。危亡迫於旦夕者。推原禍始。卽在彼等之牀第帷薄之間。此又蓄妾之貽害社會於今爲烈者也。社會中蓄妾之禍。考之於歷史之事實。證之於現今之時事。既如前所述。而其隱患之所伏。猶不止於是。今試

檢去年民政部調查之人口清單。(見本誌第八卷一號)不論何省何籍。無不男多於女。平均計之。每男子一千人中。僅有女子七百九十七人。此次清單。雖於全國人口。未能完備。而男多女少。大體上已可作為標準。以此推之。則我國之男子。每千人之中。當有鰥者二百餘人。此等無家室之人民。實為社會中不安定之分子。蓋男性者。不得女性之調和。其性質易陷於躁妄與暴戾。且其人既無子女。則對於社會。自無永久維持之觀念。往往輕視儲蓄。耽游惰。而好破壞市井中之所謂棍徒流氓者。概含有無家室之意義。棍徒流氓之日眾。即土匪流寇之朕兆耳。男性女性分配之不均。其極必至破壞社會之和平。而釀成戰亂。必經一次大殺戮以後。男女之人數始略劑於平。蓋亂事一生。戰死者必男子為多也。吾人苟知社會危險之景象。已懸於目前。而思設法以拯救之。則不可不矯正重男輕女之惡習。注意於女子之撫育及婦女之衛生。如嚴懲溺女。禁止纏足之類。固皆為當務之急。而蓄妾之制。亦為使男女分配

不均之重大原因。不可不有以剷除之。孔子謂有國有家者。不患寡而患不均。不患貧而患不安。今曠夫遍於國中。而一部分之人民。乃左擁右抱。日以縱恣淫慾為事。不均不安。孰甚於此乎。願我士大夫之猛省焉。

諸君以為滅種之事。為近世之所無。而不信乎。達斯馬尼(Tasmania)人種。在一八一五年以前。人口尚五千人。至一八七六年。僅遺一女子。名曰拉爾克。溘然去世。而此人種遂為化石學上之紀念物。此十九世紀亡種之實例也。然人種之衰亡與興盛。固不關於生殖之多寡。研究社會學者。皆以體格之發育。知德之近步。為人種改良。民族發展之符。故保種之道。首在節制性慾。蓋吾人之身體。大別之為營養機關。運動機關。智識機關。性慾機關。之四部。性慾機關之使用。過甚。則他機關萎縮。而傳其不良之形質於子孫。滅種之由。即在於此。反之。而節制性慾。使他機關發達。以全健之軀體。高尚之道德。知識。遺於子孫。即為國民對於子孫之天職。下層社會。不知保自己之品位。又乏教育子女之思想。無遠

慮。無責任。濫事生殖。此固各國之通病。一國之民族。所以維持於不敝者。全賴中流人士。有自制克己之精神。重責任義務之觀念。壓制動物之情慾。以爲之中堅。社會學家謂制情爲文明之產物。又謂文明之社會。必有制情之行。又謂民族之向上。由節制性慾而得。蓋中等階級。實爲一國之精華。乃返觀我國。下層社會。固無制慾之能力。而中流以上之社會。則更有甚焉。彼等四體不勤。其種性既日流於文弱。而早婚累之多妻。又累之四千年以來。民族之日益退化者。蓋由於此。在閉關時代。此種性已難自立。屢爲強族所憑陵。交通以後。競爭益烈。長此不變。吾懼其爲達斯馬尼人種之續也。福善禍淫之說。非宗教上之因果律。乃社會上之因果律耳。達爾文雌雄淘汰論中。記鴨在野生時爲一夫一婦制。至飼養於人後。化爲一夫多妻制。吾國向來亦知雁爲節義之鳥。至爲飼養之鵝。則亦一夫多妻。與鴨相同。此等鳥類。在野生時。求食困難。作巢孵卵。勞苦經營。一夫一妻之制。賴以維持。飼養以後。此種之苦難已去。良善

之品性。遂失。致使子孫。失其飛翽千里之翼。忘其作巢孵卵之能。而以刀俎之烹割。爲其生活中縱慾之代價。吾望吾中國人。勿使其子孫。爲鵝及鴨也。

蓄妾之制。本原於經典。歷代之律文。又規定之。故在舊道德舊法律。皆無所裁制。今日新道德新法律。漸有形成之勢。或足以弭其缺陷。吾輩研究裁制之法。當以法律道德。互相輔助。蓋僅以法律裁制。不能深及於隱微。而僅以道德裁制。又無顯著之權力也。今先就法律一方面論之。舊律中本有停妻再娶之條。新頒刑律中亦。有重婚之罪。蓄妾一事。若在基督教諸國。視之。固爲重婚。當科之以罪。而令其離異。我國舊律。對於蓄妾。不視爲婚姻。亦不視爲姦淫。而別有所規定。今既改良法律。將來民法之親族篇中。斷不至將蓄妾之事。以明文承認之。民法既不承認。則蓄妾之事。苟非重婚。卽爲姦淫。殆無疑義。惟此種姦淫之性質。爲無夫婦女之和姦。歐美日本諸國。皆視爲道德上之問題。爲法律所不問。日本今日。蓄妾之風尚盛。卽以法律上不認和姦。無夫婦

女爲有罪故也。我國新刑律中。暫行章程第四條。定和姦無夫婦女之罪。而此項犯罪。待直系尊親屬之告訴。其縱容及得利者。雖告訴不爲審理。此尊親屬爲犯姦者之尊親屬乎。抑相姦者之尊親屬乎。若爲相姦者之尊親屬。則爲人妾者之尊親屬。固皆縱容得利。無告訴之權。若爲和姦者之尊親屬。則男子於父母俱亡以後。亦得任意蓄妾而無罪。故新頒之刑律。對於蓄妾。直可視爲毫無制裁之力。今和姦無夫婦女之罪。資政院議員中。方以禮教法律。爭論紛紛。將來未知如何解決。聞當時資政院法典股中。曾擬改新刑律第二百八十三條。「凡和姦有夫之婦者處四等以下有期徒刑或拘役。其相姦者亦同」之條文。爲「有配偶而和姦者處四等以下有期徒刑或拘役。其相姦者亦同」。又「本條之罪。待其本夫告訴乃論」。改爲「須其配偶者告訴乃論」。此修改之文。實基於男女平等之理想。至公正。而於現情亦最適。蓋如是。則有夫之婦。固不得犯姦。有婦之夫。亦不能蓄妾。而又以待配偶者之告訴。及事前

縱容。事後和解。爲目前已蓄妾。或於情勢上不能不娶。妾者和緩之方法。今年資政院對於新刑律之修正。爲重大之任務。竊願吾人民以多數之意見贊成。此修改之條文。俾成文明之法律。至就道德一方面言之。則全賴社會之熱心者。共同提倡。而其責任尤在於維新之士。彼等既具新知識。新思想。或任官吏。公吏。議員等職。抱革新政治之希望。或任教育實業等文明事業。以開通社會。彼等之一舉一動。每爲國人所注意。語云。未有己不正而能正人者。故彼等於立身行己之間。尤不可不示國人以模範。若夫文明其職業。文明其言論。文明其服食起居。而於隱微之地。中菁之間。則轉借舊來之習慣。野蠻之自由。以便其私圖。陷於淫昏奢侈而不之覺。貽害社會。流毒子孫。而不之恤。若而人者。心之云亡。本實先撥。直視之爲新國民之蠹賊可也。

英皇之加冕禮

僉父

陽歷六月二十二號。為英國皇帝舉行加冕典禮之期。我國遣專使致賀。禮也。謹按英國皇統。雖非一姓相傳。而其為英國正統者。厥惟開索遜王朝。一英國之維塞克國王以格伯爾、

冕之翌日。英皇同英后巡游倫敦市。繼則有斯畢赫 Spithead 大閱軍艦式。宮庭游園會。帝國劇場觀劇。及謁聖保羅寺之舉。

及亞弗勒大王之血統耳。以格伯爾於西歷八〇二年即位。今之英皇喬治第五。即其第三十九世孫。維塞克王國之創立。在西歷四九五年。迄今千四百十六年。相傳不絕。故英國皇統。可稱之為世界悠悠久之皇統。此次舉行之加冕禮



英皇喬治第五

中。兼有千百餘年前之禮式。自本月十七號至十九號。外國貴賓及殖民地代表。業已漸次齊集。二十號在巴金汗宮賜宴。加

號英先皇大祥以來。十六號則有故維多利亞女皇紀念像開幕禮。德皇德后亦來會。嗣後三月之中。慶典陸續不絕。其皇室之尊

三十號。在水晶宮開十萬兒童宴。七月則有幸愛爾蘭及蘇格蘭之舉。七月十三號。則在威爾士州克奈爾翁城行皇太子就位之禮。先是、六百二十七年前。愛德華第二。即誕生於此城。厥後。則封為最初之 Prince of Wales (英國皇太子稱號)。故此舉亦為大典。英國皇室。自前月七

榮。實由於國家之隆盛。非偶然也。

英國近世之隆盛。厥有本原。本原何在。則其祖先傳來之堅實氣質。實際的常識。地方自治之精神。議會政治之模型。及於保守中求進步之美風良俗。養成一種特有之國民性是也。

一切國民性。皆因

時勢而變。無自古

迄今一定不動者。

惟堅實之國民性。

於變遷之中。含有

永久不變之要素。

即如中世英國人與

近世英國人。因生

活狀態不同。其國

民性有著明之變化。

中世英國人。不如

今日英國人之活動

及實際。取英國中

世史觀之。五百年

前之英國人。因多

專牧業或農業。概為田舍之風。致有懶惰且沈思之傾向。今之

英國人活動之情形。及實際之氣質。皆屬哥倫布發見新世界以

後之事。雖然。英國人之特質中。固有永久不變者。徵之史家

紀載。亦不難知。在中世英國與大陸各國。國民之性格。已有著明之差別。試將拉丁諸國法律與英國法律比較觀之。前者為本於羅馬法之君主專制法律。有悉將個人犧牲之之勢。後者則為從社會意志產出之法律。常保護個人。近世以來。英國人之

性格。雖大變化。

至於尊重個人之權

利與自由。則為與

大陸諸國不同之特

質。英國人自中世

以來。實以此點為

最優秀也。

今日東洋諸國之趨

勢。由個人主義、家

族主義、而移於國

家主義。一言個人

主義。似即為破壞

家族蔑視國家之邪

說。不知今日之英

國。實即個人主義

之結果。但英國之個人主義。非祇圖自己利益。不顧他人利益


及社會公共利益之主義。其實不外將社會公共事業。悉歸人民

經營。政府及政府之法律。則專以保護個人為目的。不妨礙個




英 后 瑪 利

此為現時英皇加冕之御座



中央係加冕時所座之御座為英皇御座為英后御座

此為古時英王登極之御座



此椅設在St. Ed's WardCon-fessory寺院內英皇之椅下有石曰命運石古時蘇格蘭王登位則立於此石後被英皇愛德華第一攜歸而置諸寶椅之下中央為寶劍與




英皇加冕時之大特德氏



英皇加冕時之大谷正木氏

由權利。或有害社會公共之利益之時。始求政府保護干涉。自前世紀初期以來。英國在世界中首先制定工場法。制限婦孺之



惠斯敏斯德教堂

人自由發達之理想。其人民亦不特政府之保護干涉。能養成自主自治之風。惟任個人或個人的團結之經營。至有害個人之自



惠斯敏斯德教堂之內部

勞動等。皆本於此主義。近時制定養老年會法。前定勞動者死後恤款。前月財政大臣提出國民保險案於下議院等。亦出於同一之精神。英國人民之富於自治精神。今猶無異於昔。至各州知事及治安判事等。皆為名譽職。地方紳士。辦理公務。亦向無薪水。英國憲法。實際即以國會與此自治制為二大柱。當十七世紀查理士第一之時。不開議會者十一年。方欲斷行君主獨裁政治。因州知事為名譽職。由地方紳士任命。專制政治遂失敗。以州知事不允未經議會協贊之政府。向人民徵收稅稅故也。州知事雖非由

中央政府任命。中央政府固能免除其職。惟在自治制之下。州知事雖免職。初無何等之苦痛。新知事依然由地方地主任命之。查理士第一無議會。則不能管理英國矣。厥后克命維爾。負不世之才。以匹夫起家。欲以共和制之君主代國王。行武斷政治。亦因無議會。不能統治英國。此皆由於有地方自治制故也。

英國法律及地方自治制度。皆以保護個人之自由權利為目的。不肯輕將個人犧牲之。英國議會。

有除不能變男為女。變女為男外。無所不能之稱。英國政府。全視議會多數之信任如何。不難改造之。但雖有此萬能之議會。

而政府之改造。則限於內閣大臣及政務次官等。合計不過五六十人。一切事務官。則概不更動。又地方政治。因其為自治制。故不因內閣更造而動搖。以視美國之官職分補主義。每改選大統領。必更動數萬官吏。真有天淵之別。凡立憲國家。實不可不取法於英國也。



英女皇維多利亞紀念碑之頂

犧牲人民之權利。為能盡忠於國家。即內政方針。教育主義。亦無一非妨害個人之自由權利者。循此而行。國家雖可保安全。與利害。往往以

然因不許個人之自由發展。則人民之發展。與國家之進步。皆無望矣。英國之議會政治。稱為世界模範。其政府無防壓人民之事。苟不犯現在法律。不攪亂治安。任其作何言論。取


舊皇冕於查理一世時被
革命黨破壞此冕於王政

聖愛德華皇冕



恢復後由查理二世新製
已經八百六十二年

何主義。皆可自由。英國之社會主義。亦最穩健。如極端之無政府主義等。則不甚流行。雖有由大陸輸入過激之無政府主義者。終未聞其加害於英國皇室也。文學上之自然主義。在英國



英女皇維多利亞紀念碑

亦不甚流行。言論思想最自由之英國現情。東洋諸國人。所不可不研究者焉。


英國領地。徧六大洲。面積千一百三十四萬方哩。人口三億九千四百萬。實世界第一大國。我國之土地。雖次於英。而人口則過之。所以貧弱日甚而不能進步者。特由國民性不能發展故耳。我國民雖未嘗無自治之精神。其所以不能發展者。一則從來之專制政府。以其發展過甚。妨礙於國家。二則恐其專擅武斷。妨害個人之權利。然若採取英國之制度。則二者均可無慮。以國民自治為基礎。運用憲政。則國勢日隆。皇室之尊榮。皇統之悠久。亦即可以此決之。此吾輩對於英國皇帝加冕之禮。不禁為英國賀。且為吾國祝焉。



論中國外債及財政之前途

譯四月二十五號至五月三號大阪朝日新聞

王我臧



敘論

外債問題。實中國內政及外交上最重要又最有趣味之問題。十數年來。中國與列強交涉之大事件。亦無一不與外債問題有關係。目下中國政府。則欲借外債以補國庫之窮乏。並改革內政。敷設鐵路。而民間則極力反對。多持外債亡國之說。激動輿論。主張非開國會、以民意決之、則不可借外債。一面英美德法諸國。則極力運動承攬。惟恐所借不多。故條件亦漸漸減輕。使中國有利。至其抵押物。其始以海關稅為限。既負債日重。海關稅不敷擔保。則繼之以釐金鹽釐及常關關稅。又不足。則繼之以特定省分之地方歲入。今且割中央政府之全國歲入以充之矣。中國政府於憲政未實行以前。需款甚鉅。恐不能再借外債。我日本之對中國。今亦立於為債主之地位矣。一千萬元之借款。以視列國。雖不得謂之多。及該債票出售於市面之時。對中國公債之利害關係。則愈見密切。此後吾人之觀中國公債問題。不當視為有興味之重要外交事件。於經濟上。實有密切利害。故於中國一般財政情形及其變動。不可不知之。

一 內債之失敗

現今中國政府所負之公債。皆為外債。內債即謂之全無。亦無不可。內債固中國政府所深望者。但屢試屢敗。今此念亦絕矣。雖然。欲知中國外債事情。亦不可不知中國內債失敗之歷史。且以此亦足見中國目下情形。不問中央政府。地方政府。官辦事業。民辦事業。皆有不能不借外債之勢。光緒二十一年中日戰爭之時。中國政府嘗募集內債。以充軍費。謂之甲午商款。定章週息八釐四毫。六個月後拔還。二年還清。此應還之款。則挪內務府經費充之。由北京四大銀號。廣東忠義公司。七十二行商。及直隸江蘇山西各省募集之。合計得千一百萬兩。此後實際償還與否。則不可知。其大部分則變為報効矣。光緒二十五年。中國政府遂大借外債。以充兵費及我日本第一期賠款。繼思賠款一時還清。則可省每年付二億萬兩之利息。又可使日本早撤威海衛之兵。於是復須籌借巨款。時膠州灣問題方解決。列國之爭奪利權運動甚烈。中國政府亦深慮外債之危險。遂容黃思永之議。發行昭信股票。募內債一億萬

兩。昭信云者。即必還之謂也。其章程皆仿照各國成例。極其精細。週息五釐。以地丁及鹽釐抵押。十年後拔還。二十年還清。其利息預定以每年新加之鹽釐五六十萬兩及節省冗費所得之款充之。其母錢則以十年後償還外債每年可剩之數百萬兩充之。又應募萬兩以上者。則獎以官銜。時恭親王慨然自捐二萬兩。不取公債票。為天下先。王公大臣做行者亦不少。各省督撫亦命其僚屬。盡力報効。至一般人民。本不知公債為何物。又習見官吏於美名之下。以誅求為事。其視昭信股票。直勒索報効耳。故除有做官思想之商人及少數官吏外。應募者寥寥無幾。不數月怨聲大作。此事遂中止。觀某御史奏摺。即可知當時州縣等之以昭信股票。誅求於民間之暴虐矣。應募之數。雖不可知。合全國計之。當不下五百萬兩。孰知中國政府竟又不還本利。不過使欲捐官者。得以此票代現錢耳。觀於此。中國內債之失敗。皆由其政府太不負責任。不實行償還。致失民間之信用。此後恐無再借內債之望矣。

二 直隸公債之真相

甲午商款及昭信股票。已全行失敗矣。蓋當時官民皆不知公債為何物。直視為一種之報効。其失敗自不能免。及時勢日益進步。遂有欲立完全適當之法。以重利借短期內債者。光緒三十二年。直隸總督袁世凱。欲以地方債形式。募直隸公債四百八十萬兩。以充北洋軍費。既奏請批准。遂實行之。其概要如左。

一舉債年月 光緒三十一年二月。
 二債額 庫平銀四百八十萬兩。債票分為百兩十兩二種。
 三利息 第一年週息七釐。以後每年遞加一釐末一分二釐。
 四擔保 長蘆鹽運使與直隸布政使聯合擔保。
 五特典 該債票准其轉賣。且得以已滿期債票及息單。完納本省地租關稅釐金鹽課捐款等。該債票為無記名式。認票不認人。

六償還方法 期限六年。自光緒三十二年。起。每年還本八十萬兩。此後按年實行償還。預定今年還清。其分派數目如左。

年次	還本額	週息	還息額	還本息額合計
第一年	八〇,〇〇〇	七釐	三六,〇〇〇	一,一三六,〇〇〇
第二年	八〇,〇〇〇	八釐	三三,〇〇〇	一,一三〇,〇〇〇
第三年	八〇,〇〇〇	九釐	二八,〇〇〇	一,〇八八,〇〇〇
第四年	八〇,〇〇〇	一分	二四,〇〇〇	一,〇四〇,〇〇〇
第五年	八〇,〇〇〇	一分一釐	二一,〇〇〇	九七六,〇〇〇
第六年	八〇,〇〇〇	一分二釐	一六,〇〇〇	八九六,〇〇〇
合計	四,八〇〇,〇〇〇		一,四五六,〇〇〇	六,二五六,〇〇〇

七償還財源 償還本利之款。每年預定百二十萬兩。以直隸省歲入之左列四種財源充之。

直隸布政使庫歲入	三〇〇,〇〇〇
長蘆鹽運使庫歲入	三五〇,〇〇〇
永平七屬鹽利	一五〇,〇〇〇

直隸銀元局餘利

四〇〇、〇〇〇

合計

一、二〇〇、〇〇〇

初袁世凱之募集內債。志在必成。所立章程甚完善。償還本利。既有確實之財源。利息復逐年增加。於是將全省州縣。分爲三等。派定數目。分別勸募。大縣二萬四千兩。中縣一萬八千兩。小縣一萬二千兩。無如縣官書吏等。貪婪成性。至是復得一誅求之新口實。而勸募忽變爲勒捐苛派。時拳亂初定。民間創痍猶未愈。復加之以勒募公債之騷擾。小民實不堪其苦。怨聲載道。御史遂上摺彈劾。故不能得好結果。所募者僅得百餘萬兩。不得已利用章程中有債票爲無記名式之條文。商之天津外國銀行買辦。其三百餘萬兩。則仰給於外國銀行。直隸公債。雖可稱爲袁世凱政績之一。其實亦外債也。

三 湖北湖南及安徽三省公債

厥後各省財政。日益困難。中央政府之命。除督撫外皆不許借外債。於是各省督撫。皆欲仿直隸公債例。募地方債。方袁世凱募直隸公債時。初無借外債之意。其結局則以內債形式借外債。幸免持外債亡國之說者之攻擊。後此欲仿行其策者。雖明知內債之難成。但爲彌縫地方財政計。則不能不用此手段。奏請批准。同時其債票又落於外國人之手矣。宣統元年湖廣總督陳夔龍。則以償還漢口華洋商家借款（週息六釐至九釐）之目的。募湖北公債二百四十萬兩。分六年攤還。利息則由六釐遞

加至一分二釐。其章程及特典。一切與直隸同。此即變短期薄息之舊債爲長期重息之新債也。去歲二月安徽巡撫朱家寶。亦奏請募安徽公債百二十萬兩。其理由則在安徽省每年歲入祇有五百萬兩內外。歲出須六百餘萬兩。歷年進出。業已不敷。中央政府新行攤派者。則有陸軍經費。海軍經費。及陵工費等。本省新增者。則有諮議局審判廳勸業會及籌備憲政等費。每年須增加百餘萬兩之歲出。無從籌措。只有照直隸成例。募集地方公債之一法耳。據報章所載。此款亦借自上海外國銀行者。以外國銀行喜承攬此種短期厚息之公債也。同年八月湖南巡撫楊文鼎。亦因該省財政非常困難。虧空二百餘萬兩。無法可施。奏請募集湖南公債百二十萬兩。業已批准。近來地方有志之士。皆知直隸湖北等公債。雖具內債形式。其實皆化爲外債。該省諮議局亦主張募集地方公債。須經諮議局議決。已將此議呈請資政院核准。此外各省。雖尙有欲仿行者。至是遂生一大阻力。湖北公債之償還資金。則指定該省歲入五十二萬兩。安徽則指定該省歲入二十九萬兩。湖南則指定該省水口山鉛礦利益二十六萬兩爲財源云。

四 贖路公債與借款新例

其始以內債形式發行。因不能得良結果。終變爲外債者。不僅直隸等省地方債。即中央政府募集郵傳部贖路公債。亦其一也。光緒三十四年冬。郵傳部向英法二國銀行。借「郵傳部公債」五

百萬鎊。贖回京漢鐵路之時。因款不敷用。復奏請募內債一千萬元。稱「收贖京漢鐵路公債」。除週息七釐外。尚可得京漢鐵路餘利四分之一。已滿期債票及息單。在郵傳部管理之交通銀行、官辦各鐵路、及電報局等。可與現錢一律通用。對應募一萬元以上者。特行減價一分至三分。據當時尙書陳璧奏摺。其目的則在於試辦。如第一次募集。能得良結果。此後可繼續募集此種公債。為各鐵路資本。以圖鐵路之統一。無如經三年之久。僅募得二百餘萬兩。且此二百萬兩。皆利用交通銀行及電報局資本。實際民間應募者。寥寥無幾。郵傳部深以此事為苦。及去年盛宣懷為郵傳部侍郎。遂利用章程中有「公債票為無記名式。准其轉行買賣。認票不認人。但執債票者。無論何人。均照本國人民。一律看待。並遵守債票章程辦理。」之文。大借外債。去年八月在北京與倫敦銀行米特蘭特銀行及其他銀行立約。合借六百七十萬元。稱郵傳部贖路公債。週息七釐。實收九七五。五年後拔還。分五年還清。(宣統八年至十二年)九月倫敦銀行在倫敦出售之時。則以百零八鎊市價售罄。此次中國向我日本所借之一千萬元鐵路公債。亦本於資金之必要。及此贖路公債之關係者。至英美德法四國聯合借款。(按即所謂後四

中國鐵路借款表

舉債年份	鐵路名稱	債額	實收	週息	抵押及擔保	債主	已還	額
一八九八	關內外	二二、〇〇〇、〇〇〇	九〇	五釐	北京山海關間鐵路	匯豐銀行	三、四五〇、〇〇〇	

國借款)及粵漢川漢鐵路借款。(按即所謂前四國借款)則與此全然不同矣。

觀以上所述。中國之借內債。實無一次能成者。又不肯因此遽行中止。於是遂設一可免輿論攻擊之借外債方法。故其章程皆不能如公然借債之易於設立。然中國從來之當局者。往往但尚虛名。不顧實利。致有忍受過重之負擔。用內債形式。哄騙一時者。在今日。此種舉動。已為時勢所不許。兼之需款日急。故此次盛宣懷向我日本借款。但用「清國政府鐵路公債」名義。並不指定用於某路。此在鐵路公債史上。實可謂之一新例。恐川漢粵漢借款。亦必用此方式也。

五 鐵路借款

中國政府為鐵路借外債。凡十六次。總額三億三千九百五十七萬元。內除已償還五千八百九十五萬元外。現在未還者。尚有二億八千零六十二萬元。再加此次我日本借款一千萬元。(實收九五週息五釐以江蘇地丁銀一百萬兩抵押十年後拔還分五年還清)實為二億九千零六十二萬元。概數如左。

一八九八	京漢	五〇、〇〇〇、〇〇〇	同上	同上	該鐵路	比公司	五〇、〇〇〇、〇〇〇
一八九九	正太	一六、〇〇〇、〇〇〇	同上	同上	同上	華俄銀行	今年應償還
一九〇三	汴洛	一六、四〇〇、〇〇〇	同上	同上	同上	比公司	未到期
一九〇四	滬甯	二九、〇〇〇、〇〇〇	同上	同上	同上	中英公司	同上
一九〇五	粵漢	一一、〇〇〇、〇〇〇	一〇〇	四釐半	鄂湘粵之鴉片釐金	香港政廳	五、五〇〇、〇〇〇
一九〇五	道清	七、〇〇〇、〇〇〇	九〇	五釐	該鐵路	中英公司	未到期
一九〇七	廣九	一五、〇〇〇、〇〇〇	九四	同上	同上	同上	同上
一九〇八	津浦	五〇、〇〇〇、〇〇〇	九三	同上	直隸山東江蘇釐金	英德公司	同上
一九〇八	滬杭甬	一五、〇〇〇、〇〇〇	同上	同上	京奉鐵路餘利	中央公司	同上
一九〇八	郵傳部	五〇、〇〇〇、〇〇〇	九四	同上	直鄂蘇浙之煙酒稅	英法銀行	同上
一九〇九	新奉	三二〇、〇〇〇	九三	同上	新民屯奉天間鐵路利息	南滿鐵道會社	同上
一九〇九	吉長	二、一五〇、〇〇〇	同上	同上	該鐵路利息	同上	同上
一九一〇	津浦第二次	四八、〇〇〇、〇〇〇	九四五	同上	直隸江蘇安徽山東釐金及其他歲入	英德公司	同上
一九一〇	贖路	二、二〇〇、〇〇〇	九七五	七釐	郵傳部	正金銀行	同上
一九一〇	同上	四、五〇〇、〇〇〇	同上	同上	同上	倫敦銀行	同上
合計		三三九、五七〇、〇〇〇					已還 五八、九五〇、〇〇〇 未還 二八〇、六二〇、〇〇〇

右京奉鐵路之關內外借款二千三百萬元。由千九百五年起。每年償還五十七萬五千兩。至千九百四十四年還清。粵漢鐵路借款一百萬元。由千九百六年起。每年償還百十萬元。至千九百一十五年還清。正太鐵路借款一千六百萬元。今年始到償還年限。中國政府已籌備款項。擬一時還清。將一切利權收回。歸郵傳部自辦。此外皆未到償還年限。因此種鐵路借款。中國每年應付利息。約一千四百六十萬元。津浦廣九二路。目下正在建築。

其利息即由原本中開支。正太、汴洛、滬甯、道清四路。雖已通車。因營業上進出不敷。郵傳部則以京奉京漢二路餘利及其他財源津貼之。

關內外鐵路。為京奉鐵路之舊稱。幹路自北京經山海關新民屯至奉天。支路由溝幫子至營口。全路延長五百七十二哩。雖用匯豐借款。為山海關新民屯及營口間之建築費。因俄國反對以山海關以外鐵路抵押。故只用北京至山海關間一段之路抵押。

借款期限內。用英人爲總工程師。工程、營業、會計等。概歸債主國管理。中國不過監督之而已。其總收入。每年約一千萬元內外。淨利可得三百三四十萬元乃至五六百萬元。中國除右列借款外。自投入資本千七百餘萬兩。又新民屯奉天間之新奉鐵路。乃我日本建築之狹軌軍用鐵路。光緒三十三年。中國政府以百六十六萬元贖回。改爲與京奉同式之廣軌。其向南滿鐵道會社所借之三十二萬元。乃本光緒三十一年三十二年三十四年之協約。作爲「京奉鐵路遼河以東所需資金之半額」借入者。該線總工程師用日本人。償還期限十八年。

京漢鐵路爲北京漢口間中干幹路。延長七百五十四哩。中國政府爲此鐵路。除借款外。復自投資本五百六十二萬兩。以供建築費。比國借款。雖已償還。因還此款。復向英法二國借「郵傳部公債」五千萬元。其實與未還初無以異。贖路之後。郵傳部因款不敷用。復向度支部及外國銀行借短期之款。既復募贖路公債。但稱「清國政府鐵路公債」。並不指定某路。故影響頗大。今請略述其贖路情形於下。初比國之京漢借款。爲一億一千二百五十萬佛郎。第二次又借一千二百五十萬佛郎。合計一億二千五百萬佛郎。約值五千萬元。中國因欲償此款。復向英法二國借郵傳部公債五千萬元。據該合同。以公債之八成。爲在歐洲償還鐵路借款。其餘之二成。則爲郵傳部自辦工藝實業之用。故贖京漢鐵路。祇能用該借款八成四千萬兩。實收九四。共得三千七百六十萬元。餘款二成。明年二月始募集。而贖路

之期。則在其前年十二月。故中國政府不可不另籌款項。以滿五千萬元之數。於是郵傳部遂以七釐息三個月期之條件。向度支部借銀五百萬兩。大清銀行借銀一百萬兩。匯豐銀行借銀三百萬兩。德國銀行借銀百三十萬兩。法國銀行借銀百二十萬兩。正金銀行借銀百萬兩。合計千二百五十萬兩。內由度支部借入之五百萬兩。則以京奉京漢二路餘利。由宣統元年正月起至六年止。按年還之。又此款業已奏准移爲海軍擴張費。外國銀行借款。雖已償還一部。其大部分尙未還。厥后則以去年八月向正金及倫敦銀行借入之贖路公債六百七十萬元之款還之。至於此次復向我日本告借一千萬元。聞半因度支部催索前此所借五百萬兩殘款。作爲海軍經費。半爲海清、開徐二路建築費之用。此後郵傳部尙須爲鐵路廣籌款項。贖回正太鐵路之期。已迫於目前。故吾敢決其日後必有再借鐵路公債之舉。又京漢鐵路每年總收入。可一千萬元乃至千二百萬元。淨利在未贖回以前。不過三百萬元內外。贖回後可得七百萬元。正太鐵路即由直隸正定府之石家莊至太原府之狹軌鐵路。延長三十五哩。中國政府除借款外。自投入資本百二十六萬五千兩。由華俄銀行所借之款。其始爲二千三百萬佛郎。後又續借。合計四千萬佛郎。約值一千六百萬兩。今年已屆償還年限。分二十年還清。但今年之後。無論何時。皆可全行還清。歸中國自辦。故郵傳部已於宣統二年奏請備款贖回。該路每年總收入可百二三十萬元。進出對抵外。每年尙不敷六七十萬元。

汴洛鐵路發端於河南開封府。經鄭州至洛陽。延長百三十六哩。將來當與海清、清徐、開徐、洛潼、西潼諸路聯絡。爲由江蘇之海州起。橫斷中原。通於西安之東西幹路。第一次從比國借款二千五百萬佛郎。第二次又借千六百萬佛郎。合計四千一百萬佛郎。約值千六百四十萬元。明年爲償還始期。故郵傳部已預定籌款。將於明年贖回。此路營業進出不敷。每年約虧六十萬兩云。

滬甯鐵路。卽上海南京間及上海吳淞間之鐵路。長二百五哩。與揚子江爲平行線。借款草約爲三千萬元。後因民間反對。二次共發行二千九百萬兩。此爲實在借款數目。郵傳部除借款外。復自投三百二十萬兩。營業收入。歲不滿二百萬元。進出款雖可相抵。但每年須付借款利息百四十五萬元。故對除外仍虧一百萬元內外。償還年限。以千九百十四年始。郵傳部亦已預備贖回矣。

粵漢鐵路借款。卽以之向美國贖回鐵路及其建築權者。原額千一百萬元。內已還一半。殘款此後分五年還清。但六個月以前先行通告。則無論何時。皆可全行還清。此項借款。作七股攤派。廣東湖南二省。各攤七分之三。湖北攤七分之一。故贖回之已成路線及鐵路財產。亦照此分派。湖南則因無錢支付借款利息。已將其所有權。賣與廣東。對粵漢全路之建築區域。雖亦照前記之比例分派。工程最迅速者。厥惟廣東。有五十哩現已通車。六十哩正在建築。目下川漢粵漢二鐵路五千五百萬元

借款問題。與四國之間。尙未議妥。(按此卽今日所謂前四國借款刻已借定矣)又此路尙須負擔由美國贖回時。未結算錢尾比國小金票額面合計美金二百二十五萬元之本息。及四國借款成立。除爲敷設費外。又可以之償還此小金票矣。

道清鐵路乃河南省道口鎮清化鎮間之運煤鐵路。延長九十五里。初英國福公司獲得六十年間在山西省孟縣等五處。開採煤鐵及石油礦之權。繼又得六十年間在河南省開採懷慶左右黃河以北諸礦山之權。且因此獲得敷設由礦山通於鐵路幹線或水道之鐵路支線之權。千九百二年福公司在河南清化鎮附近之蕉作地。開一煤礦。以運煤至衛河河畔之道口鎮之故。遂在兩鎮間敷設鐵路。千九百五年告竣。既中國政府欲收回利權。議以六百四十萬六千元。贖回此已成之路。因無現錢。乃對該公司發給七百萬元鐵路公債。以該鐵路及其收入抵押。週息五釐。此卽本借款也。福公司雖售去鐵路。煤礦則依然爲其所有。目下有礦井三處。所採之煤。則販賣於河南直隸二省。又中國政府雖贖回此路。在借款期限內。卽三十年間。則由債權者代爲經營。給以該路收入淨利二成。營業收入約二十萬兩至三十萬兩。支出須二十萬兩內外。借款利息須三十九萬元。以故不能不另籌他款津貼之。廣九鐵路卽由廣州通於英國租借地之九龍。與九龍鐵路聯絡之路。延長九十哩。工程由英國包辦。其一部業已通車。預定年內全路開通。津浦鐵路。自天津至浦口間。延長七百二十哩。爲沿中國本部東海岸之南北縱斷線。以山東省之

嶧縣爲界。北部歸德國、南部歸英國包辦。北部由天津至濟南府間。約二百哩。南部由浦口至徐州府間。約五十六哩。業已通車。預定明年全路告竣。初次借款五千萬。第二次又借四千八百萬元。合計九千八百萬元。從來中國鐵路借款。皆以該鐵路抵押。惟此次借款合同。始開不將鐵路抵押。由政府擔保償還本利。及以他財源抵押之例。又從來之債主。不獨包辦工程。且握營業一切之經理權。於借款利息之外。又有分派利息及取特別公費之約。本借款則無此等不利於中國之條件。故此議成立甚速。滬杭甬借款及郵傳部公債。其合同視此則更進一步。債主亦不能如往日之無法擅取利益矣。吉長鐵路。即吉林長春間之鐵路。延長八十五哩。目下正在建築。本與新奉同一之中日合同。由南滿鐵道會社。借以建築費之半數。即百十五萬元。總工程師及會計監督。皆用日本人。期限二十五年。五年后拔還。每年二次。各還五萬三千七百五十元。

六 鐵路及統一政策

中國鐵路。從來有種種複雜事情。又經幾多之變遷。要之。其經營則各線各自獨立。各有特種之管理者。向不互相聯絡。如京奉則由英國人管理。京漢、正太、汴洛各線全權。則握於比人法人及俄人之手。華俄銀行則在其沿線設支店。司收支事務。中國政府對此等鐵路。雖派有監督總辦等。不過徒有其名。毫無實權。一切皆聽外國工程師及中國通譯爲之。故其會計管理。

亦不能統一。且鐵路經濟。自舉債之時始。至通車後。皆爲獨立者。例如京奉。則歸北洋大臣管轄。與中央政府。初無直接關係。其經濟亦屬北洋財政中。京漢、正太、汴洛、滬甯諸路。則屬駐札上海之通商大臣兼督辦鐵路大臣盛宣懷管轄。粵漢則歸湖廣總督管轄。各路各有特權。彼此不能掣肘。當袁世凱在直督任內之時。則嘗挪用京奉餘利於種種方面。即陸軍警察教育諸費。亦多仰給於此。且鐵路爲文明事業。非稍有新智識與經驗者。則不能勝監督之任。又須時時與外國人交涉。故鐵路長官。常限於一部之少數者。此輩事務悉委之於外人。自己不過徒擁虛名。營其實利而已。

及光緒三十二年秋。改革中央官制。始設郵傳部。鐵路電報及其他交通事業。統歸該部管轄。部內設一鐵路總局。使管理各鐵路。以圖全國鐵路之統一。其始鐵路總局事務。亦不過有名無實之監督。並與外務部談論與外國關於鐵路之交涉耳。繼則以京奉餘利爲資本。用本國工程師。建築百二十餘里之京張鐵路。從此國贖回京漢鐵路。自行管理。辭退委任英人管理之京奉鐵路總工程師金達氏。且干涉其實務。至是鐵路總局之事務。遂漸次擴張其範圍。於經濟方面。亦漸敢統合各鐵路之端。但正太、汴洛、道清、廣九、滬甯諸路。合同上載明工程及管理。悉任之外國人。今尚不能干涉之。津浦鐵路。則另設一督辦大臣。不屬郵傳部管理。故郵傳部所能直接管轄者。不過全國鐵路之一部分耳。

北京政府及郵傳部。近來頗以統一鐵路。為交通政策上及籌備憲政之急務。前年以來。派部員及工程師調查全國國有民有成未成諸鐵路。其方針大略如左。

一 對官辦之張綏吉長二線。則督促其工程。使有進步。

二 對青濟滬甯二線。則將海清開徐二線。改為官辦。以海州為起點。經清江浦徐州。至於開封。與汴洛接軌。為橫斷中原之幹線。以對抗之。此路業已勘畢。不日即可開工。

三 洛潼同蒲諸線。民間倘不能如期完工。則收回官辦。

四 借外債由外國人包辦之正太、汴洛、道清、滬甯、廣九諸路。管理甚不自由。一到還款年限。即當設法贖回。

五 川漢粵漢二線。當訂有益合同。借外債作為官辦。速行興工。

七 將來必需之鐵路資本

中國政府向者因籌備憲政。曾定九年之計畫。同時郵傳部於其所管事業。亦定九年之計畫。借外債建築之鐵路。一到還款年限。即陸續贖回。以圖統一。關內外鐵路借款。除按年拔還。至千九百四十四年還清外。無一時可全行還清之約。粵漢借款。已還一半。四國借款一旦成立。其殘款亦可償還矣。此外如吉長、新奉、郵傳部等借款。因有特別事情。暫置之不論。茲將此後十年間已到還款年限。對票面加二成五。一時可全行還清者。列之於左。

鐵路名稱	負債額	償還始期	一時還清額
正太	一六、〇〇〇、〇〇〇	一九二〇	一六、〇〇〇、〇〇〇
汴洛	二六、四〇〇、〇〇〇	一九三二	一六、四〇〇、〇〇〇
滬甯	二九、〇〇〇、〇〇〇	一九二四	三五、五九九、三二〇
道清	七、〇〇〇、〇〇〇	一九二五	七、九七七、八九〇
廣九	一五、〇〇〇、〇〇〇	一九二八	一五、三七五、〇〇〇
津浦第一次	五〇、〇〇〇、〇〇〇	一九二七	五二、二五〇、〇〇〇
津浦第二次	四九、〇〇〇、〇〇〇	一九二〇	四九、二〇〇、〇〇〇
滬杭甬	一五、〇〇〇、〇〇〇	一九二七	一五、三七五、〇〇〇
合計	一六、四〇〇、〇〇〇		二〇七、二七三、二〇〇

據右表。償還資金及加成之數。合計約需二億七百餘萬圓。倘於三四年之內。贖回正太汴洛滬甯道清四鐵路。須準備七千六百餘萬圓。此四鐵路不獨早已通車。借款條件又甚不利於中國。一切管理之權。悉操於債主。債主於借款利息之外。又有分派鐵路淨利二成之約。中國政府於統一鐵路政策上。調查此四鐵路情形。對營業實務。雖欲急行改良。增加進款。因已委任外國人管理。自己實無從下手。且此等外國人。早知中國早晚必贖回鐵路。故於鐵路永遠之利益。往往置之不顧。祇圖自己目前私利。於營業上則甚不經濟。當京漢未贖回之時。比國人只求能多分餘利。於保線及改良工程。毫不措意。致使中國贖回後。又費巨款。為之改築。因此中國政府愈急欲贖回此鐵路。就中正太汴洛二線。與京漢幹路聯接。故尤欲早日贖回。去年

以來。已屢請籌備款項矣。由此以觀。此後二三年之內。中國政府欲贖回已成之鐵路。非有四五千萬元不可。今將中國政府自備資本。作為官辦。業已開工並未開工之路線。列之於左。

名稱	區間	延長	建築費豫算
吉林	吉林長春	八五	一、五七〇、〇〇〇
張綏	張家口綏遠城	二七六	一七、五六〇、〇〇〇
開徐	開封府徐州府	一八七	六、七〇〇、〇〇〇
海清	海州清江浦	八七	三、〇〇〇、〇〇〇
合計		六三五	二八、八三〇、〇〇〇

於是又須籌款四五千萬元。吉長張綏二線。雖皆用京奉餘利為資。張綏於前年九月開工。預定今年夏季可通至天鎮。延長六十哩。去年秋間。因經費不敷。臨時復從外國銀行借入三百萬兩。又一方面。郵傳部則起中國政府鐵路公債。以部借部還之法。借入外債。已足見其有挪用通融資本之必要矣。又郵傳部因欲使交通機關。早日完成。故欲將鐵路。收回官辦。民間恐中央政府壟斷地方利權。則爭請歸民間辦理。於是郵傳部遂擇各線中之重要者。定開工及竣工期。督促其必成。倘不能如期告竣。則收回官辦。今將其所指定者。列之於左。

鐵路名稱	區間	延長	建築費豫算	部定竣工期
南潯	南昌九江	八〇	四、〇〇〇	宣統三年
蕪廣	蕪湖廣德	九三	四、〇〇〇	宣統四年
清徐	清江浦徐州	八五	二、五〇〇	宣統三年

漳廈	漳州廈門	三〇	二、一六〇	宣統三年
洛潼	河南潼關	一三六	一〇、〇〇〇	宣統四年
西潼	潼關西安	七六	四、〇〇〇	宣統五年
同蒲	大同蒲州	五七〇	二〇、〇〇〇	宣統六年
合計		一、〇七〇	四六、六六〇	

延長合計一千餘哩。預定資本四千六百六十餘萬兩。各線雖已由地方鐵路公司之手。陸續開工。股本已繳者甚少。各地方又於地租鹽釐等。附加一種鐵路捐。以補路股之不足。然尚不能滿預定資本之十分一。恐無如期告竣之望。政府倘欲將此數線。收回官辦。又需一億元資本。合政府日後所需之鐵路資本計之。約在二億萬元以上。假定其四分一（即四千萬元）須借外債。合此次我日本借款一千萬元四國借款六千萬元（按即近日所謂前四國借款）計之。鐵路新借款已近一億二千萬元矣。

八 外債史之三大時期

除鐵路借款外。中國政府所借之外債。皆因有非常事件。如支付軍費及賠款等是也。此等不生產債務總額。約十二億九千八百餘萬圓。內中日戰爭以前之債。已償還六千八百四十九萬餘元。茲暫置不計。中日戰爭以後之債。尚在償還期限者。約十二億二千九百五十五萬元。計至今日止。已償者不過七分之一。就此等外債並其結果財政所受之影響觀之。則可分三大時期。自同治六年左宗棠為甘肅兵費。從上海外國商人借銀百二十萬兩。

至光緒十三年從德國借入五百萬馬克止。前後二十七年間。共借英貨六百八十四萬九千八百八十鎊。此為中日戰爭以前之外債總額。自光緒十三年至光緒二十年之間。則未嘗借一文外債。且前記之外債。多已償還。所餘者不過二百萬元。中日戰爭之結果。自光緒二十年至二十四年之間。前後借外債七次。合計由英法德俄等國借入五千四百四十五萬五千鎊。自此以後。中國所負外債遂日重。使中國財政。日益困難者。其原因亦在此。因承攬公債。列強間遂起激烈之競爭。其結果遂成爲各國勢力範圍之爭奪。同時鐵道礦山等利權。亦落於外國人之手。由中國財政及外債史上觀之。實可謂之一大革命時期也。越三年復增庚子賠款六千七百五十萬鎊。七年之間。中國新外債頓增至

十二億一千九百餘萬元。但就利息計之。已占當時歲入之半額。此實可謂之中國財政及外債史上第二革命時期。最近數年來。中國政府以預備立憲。欲於短歲月之間。實行一切新政。故不問中央與地方。其經費皆有日益增加之勢。此亦使財政困難之一原因。致不能不借新外債。此則可謂之中國財政及外債史上第三革命時期。此次四國借款。亦不外迫於新事業之必要而來。但就中國現狀觀之。新經費必年年增加。而財源亦將日益窮乏。從來制度既不完全。民權又日益膨脹。增稅與節省。皆不能實行。於此欲實行新政。只有暫借外債彌縫之。徐圖整理之一策耳。

英國預算之海軍經費


譯英國十九世紀報

楊錦森

英以海權立國。其海軍取兩國標準主義。歲歲擴張。本年豫算海軍費。較往年又增十分之一。觀其預算之精確。知非貿貿然擴張軍備糜費款項者可比。茲將白拉史雷勳爵所著英國預算中之海軍經費一篇。譯述如下。

一九一一年至一九一二年之英國海軍預算經費。爲四千四百三十九萬二千五百鎊。較之往歲。增三百七十八萬八千八百鎊。蓋英國前四年之海軍經費。一九〇七年至一九〇八年。爲三千

一百二十五萬一千一百五十六鎊。一九〇八年至一九〇九年。爲三千二百二十八萬一千三百零九鎊。一九〇九年至一九一〇年。爲三千五百七十三萬四千零十五鎊。一九一〇年至一九一一年之海軍預算經費。不過四千零六萬三千七百鎊而已。海軍人員。本年擬多用三千人。造船費往歲僅一千三百二十七萬九千八百三十鎊。而本年預算。則爲一千五百零六萬三千八百七十七鎊矣。




今年英國將造之軍艦計無畏艦式之鐵甲巨艦五艘。鐵甲巡洋艦三艘。無鐵甲巡洋艦一艘。滅魚雷艇二十艘。潛水艇六艘。巡江戰艦二艘。滅魚雷艇之載械艦一艘。病院艦一艘。外有浮塢一小艇若干。新造各艦之戰力。與巴西今日之海軍相等。而過於西班牙。葡萄牙。荷蘭。奧地利。丹麥。智利。墨西哥。希臘。中國。希臘。那瑞。瑞典。諸國之海軍。

一千九百十年世界各強國海軍之比較如左。

海軍費總數

英國	四〇六〇、三七〇〇鎊
美國	二六五一、五四六八鎊
德國	二二二四、七五八八鎊
法國	一三六五、九八二〇鎊
造船費	
英國	一三二七、九八三〇鎊
德國	一一九二、一一九五鎊
美國	六二二、二一〇〇鎊
法國	五九一、八二九二鎊
海軍人員	
英國	一三、一六〇〇人
美國	六、〇五〇〇人
德國	五、七三五三人
日本	四、七五〇〇人
意國	三、一〇〇〇人
俄國	一、五二四四人

由此表觀之。英國海軍費。幾能抵美德兩國合計之數。英國海軍人員之數。亦遠出他國之上。惟造船費。與德國相去無幾。而以數年合計。自一九〇一年。至一九一〇年。英國造船費。有一百十八萬鎊之多。



新式滅魚雷艇

而德國則不過五十八萬鎊也。

本年海軍預算表下署名者凡四人。一、海軍第一勳爵埃連胡爾

孫。Sir Arthur Wilson, First Sea Lord 吾人所推為最熟諳海軍事務者。一、勿冷昔史白列治門。Sir Francis Bridgeman 為新簡之海軍提督。一、海軍大將勃立葛斯 Briggs 一、甲必丹麥頓。Madden 是五人者。均深知英國海軍所需。設以為預算不敷。或以為為數過鉅。則必不署名於表下也。

據德國海軍官報所云。至一九一三年歲止。德國將有無畏艦十三艘。而英有無畏艦二十七艘。至一九一四年歲止。德有十七艘。而英有二十八艘。然英設用麥根那 McKenna 君之籌劃。則至一九一四年之春。或能有無畏艦三十艘。而德則至多亦不過二十一艘。然則英國之無畏艦隊。即不能抵德國及第三國之聯合艦隊。終勝於德國一國之艦隊也。至於小於無畏艦之兵艦。則英勝德遠矣。英國造船。當計何日始用。然後建造。俾造成之日。適為應用之日。蓋如是則有二利。節費。一也。利用新發明之機械及方

法。二也。今日之新式滅魚雷艇。已較前為巨。魚雷之力。較前為烈。其所達之處。亦較前為遠。戰艦之巨者。愈易受擊。無畏艦至危之時有三。一、夜色昏濛之時。而冬夜甚長。一、白霧迷漫之時。而英國海面盛暑多霧。恆數日不解。一、淫雨霏霏之時。日俄之戰。巨艦在旅順口外。恆惴惴有受擊之憂。無畏艦蓋亦未嘗絕不畏魚雷也。巨艦亦不獨畏魚雷。駛行於狹且淺之港口。其危乃更甚。近有戰艦三艘。駛入菲洛爾(Ferrol)港口。其一為無畏艦。餘二較無畏艦稍小。無畏艦適未觸礁。而餘二艦觸礁。無畏艦設觸礁。則世人必羣起謂軍艦不當過巨。各國今相率造巨艦。甚有大於無畏艦者。然異日或有不以巨艦為盡善之一日也。至於目前。各國均造無畏艦。英國亦不得不造無畏艦。否則必為英人輿論所不許也。

據一千九百十年五月之德國海軍官報。英德美三國魚雷艇之比較如左。

	英國	德國	美國
二百噸以上之已成者	二〇五艘	一〇四艘	二五艘
二百噸以上之未成者	五三艘	一五艘	一五艘
八十噸至二百噸之已成者	三六艘	七一艘	一九艘

由此表觀之。英國之魚雷艇。亦勝德而遠過美國也。據一千九百十年英國之海軍官報。英美德法潛水水雷艇之比較如左。

法國	已成者	六〇艘	未成者	二八艘
----	-----	-----	-----	-----

英國	已成者	六〇艘	未成者	二四艘
美國	已成者	一八艘	未成者	一七艘
德國	已成者	八艘	未成者	六艘


由此表觀之。英國之潛水水雷艇。遠過德美。惟不如法耳。至於巡洋艦。於一國之國外商務。關係甚巨。巴而福(Balfour)君論本年之海軍預算。謂英國海軍。當注意於保護商船。其意在巡洋艦也。據一千九百十年之英國海軍官報。英美德三國巡洋艦之比較如左。

英國	頭等巡洋艦	二等巡洋艦	三艦巡洋艦
英國	五艘六十三萬噸	三艘二十萬二千噸	三艘十九萬九千噸
美國	一五艘十八萬七千噸	三艘三萬二千噸	一四艘四萬九千噸
德國	一三艘十五萬三千噸	六艘三萬四千噸	三艘九萬九千噸

英國對於巡洋艦之政策。欲其巡洋艦之總數。抵第二第三兩國合計之數而有餘。今英國頭二等巡洋艦。總計得八十五艘。而美德兩國之頭二等巡洋艦。合計不過三十七艘而已。英國商船特多。危急之際。能組織一輔助巡洋艦隊。至於三等巡洋艦。戰鬥之力極微。載重既少。而船身至小。無畏艦發一砲。已足沉之。然有一優點。則速率頗巨。一小時。能行二十五海里也。

世界各國今日之造巡洋艦者。惟英與德。一九一〇年至一九一一年。英造二等巡洋艦九艘。每艘自四千八百噸至五千二百五十噸。三等巡洋艦四艘。每艘三千三百噸。英屬造而未成者。

舊艦改造礮臺法



上圖為舊艦改作礮臺。置於港口。次圖為舊艦改作防禦海濱之礮臺。四周以土環築。以守港中之魚雷艇等。下圖之左。示舊艦改造之礮臺。若何燃放水雷。其形似管子之部分。由泥土突出。以保護該艦。而水雷之燃放。亦即由此一部分運動。下圖之右。即舊艦作礮臺之圖樣。示該艦之地位。及堤岸情形。圍開情形。躲避毀滅艦水底潛行艇之水港情形者也。

東方雜誌 第八卷 第四號 英國預算之海軍經費

坎拿大四艘。澳大利三艘。新西蘭二艘。皆白列史脫而式 Bristol 之巡洋艦也。德國造而未成者。四艘。均三等巡洋艦。據德國海軍計劃。每歲將造三等巡洋艦兩艘。

白列史脫而式之巡洋艦有三用。偵探敵艦之行蹤。一也。裝載軍械。二也。護衛滅魚雷艇。三也。然今日之海軍。則大都以滅魚雷艇代之。滅魚雷艇之巨者。載重在一千噸以上。不須有他艦護衛。而偵探敵情。亦較巡洋艦為適用。

英國有往來於英倫海峽之商船三十九艘。每艘自一千噸至二千五百噸。速率均在每小時二十海里以上。戰時即可作滅魚雷艇之護衛艦。而載以魚雷。即可作防衛海岸之輔助艦隊。

以上為列強海軍軍力之大較。而以現勢論之。則英人實無須憂。然英軍軍力。固較德美為強。而海軍費乃遠過德美。何哉。則英國海軍兵士。均自願入軍。而德國海軍兵士。則強迫入軍。是以英國海軍。常餉之外。有半餉。廢兵及遺族之恩餉等。而德均無之。英國海軍。每年發餉一千三百萬鎊。而德國則不過二百萬鎊耳。

在遠東海面。英有頭等巡洋艦五艘。德法美僅每國一艘而已。英有二等巡洋艦三艘。三等巡洋艦十二艘。而二等三等之巡洋艦。德僅四艘。美亦四艘。法僅一艘。

英國最注重於海軍教育。每歲此項亦所費不貲。客斯登司 Sir Reginald Custance 嘗曰。海軍之獲勝。恃將士而不恃軍艦。斯至言也。英國前此海戰之勝人。豈不以英將之善於籌劃耶。鐵甲艦及巡洋艦之造成不及二十年者。不當以其不適用而毀之。蓋舊艦非廢物。善於利用。則其功用且與新艦相等。英國近年所毀舊鐵甲艦。大可作防守屬地港口之用。如白立斯朋 Brisbane 如梅兒盆 Melbourne 如阿地雷特 Adelaide 諸海口。敵艦進港。已非易易。駐一二舊鐵甲艦於港中。防守即非難事也。此等舊艦。亦不必令浮於水面。置之沙灘之上。作小礮臺可也。舊巡洋艦之駛行不疾不適於追逐者。亦不當毀。速率不巨。雖不適於追逐。而以保衛英屬澳洲之沿海商務則有餘。歷年所毀之艦。大都以式舊不宜於海戰。然當修繕而泊之於英屬各地。一旦有戰事。即可以為保衛商務之用。是以本年之新預算中。有修繕舊艦一項。杏非屈特 Amphitrite 艦修繕費。三萬零八百六十六鎊。挨根納脫 Argonaut 艦修繕費。九萬一千零四十二鎊。歐洛巴 Europa 艦修繕費。七萬二千六百零一鎊。是三艦者。載重均一萬一千噸。速率均二十一海里。置諸坎拿大非洲西部及澳洲沿海。即所謂善於利用之矣。

日本之帝國主義

俄京聖彼得堡半官報。近著一社說。題曰日本之帝國主義。論日本之發展。非徒向滿洲朝鮮方面進行。其雄心勃勃。更欲向南方發展。併有爪哇與暹羅。其說之當否。姑置不辯。茲節譯其說如左。

日本之發展。○自朝鮮合併於日本以來。日本之侵略政策。或以爲有暫時示停止之勢。然世界諸新聞。亦有反對此說者。究竟如何。殆末由知其真相。然日本爲可驚之新興國。其海外發展之方針。殆茫無際限。令人不可窺測。茲吾人所欲言者。惟有略舉事實。以證其發展之跡耳。

島國之地利。○最近法國雜誌中。揭日本圖南之帝國主義政策一篇。頗可供吾人之研究。其就朝鮮合併問題所發之意見。殆與吾人抱同一之見解。即言島國之位置。比於大陸之位置。尤可認爲有利是也。

圖南論。○日本議員竹越氏。依百年戰史而爲之說曰。日本人將來必因滿洲朝鮮而受壓迫。猶英國由諾耳曼若沿岸而被驅逐。據竹越氏之意見。以爲日本殖民之發展。如向大陸進行。實爲謬誤之方策。欲求確實之發展。惟有向南方多島海之島嶼以圖進步。然則日本果向何處而取行動乎。今日腓律賓與檀香山。(布哇)爲美國之屬地。印度支那。屬於法國。瑪刺甲爲英國之領土。是等諸國。皆爲歐洲政界演舞場中之健者。日本如欲由是等列強之手。奪取其領土。則斷斷乎無望。

日本與爪哇。○然茲可注意者。日本之發展。舍前述諸地外。惟

有侵入現居二等國權下之領地爲最適。由此關係而觀。最好之一地。卽爲爪哇。爪哇屬荷蘭領。其與日本帝國之距離。不過三千五百英里。且爪哇諸島。面積廣大。約有日本全土四分之一。人口繁多。現人口三千萬。而其富更不可以數計。更考此島。今日所以爲四等國一國之領土者。由於諸列強欲分割荷蘭之領地。各自競爭。而此地未得良好之地故也。竹越氏曰。歐洲人志望之結合如斯。恐十年之間。必至一變。日本不可不於此日先講求將來必要時敏活之方法也。

爪哇之日本人。○日本對於爪哇。欲以侵略之方法。行於廣大之範圍。其成功決非無望。據一九〇〇年法國旅行家賽來培氏。遊歷爪哇。目擊該地之日本人。僅有醜業婦。及其他小商人二三十名。然至今日。日本人非常增多。現在居住爪哇之日本人數。雖尚未得正確之報告。末由詳悉。然觀現時日本人於爪哇所營之經濟事業。已可推知。日本對於爪哇之輸入。最近十年間。增加至十分之四。而由爪哇之輸出。亦增進十分之一。五。其金額上六千萬法郎之鉅額。然日本於爪哇之事業。尙不止貿易上爲然。且隨粗製火柴洋傘等之輸入。同時令爪哇土人。冀與北方黃色兄弟相接近之思想。亦已輸入也。

日本與荷蘭。○東京外國語學校。設有馬來語講座。一九〇八年。畢業生十六名。精通馬來語。其後彼等刊行雜誌。時時發出議論。妨害荷蘭人之勢力。例如該雜誌指摘荷蘭人。蔑視爪哇之利害。荷蘭人占領爪哇。雖閱三百年。然荷蘭不過由本國送出七

萬人之移民於爪哇。返觀日本。僅三年間。送入臺灣之本國民。已達十一萬人之多。又謂荷蘭人對於爪哇土人間。爲普及文化。殆無何等之盡力。三千萬之住民中。就學生徒。僅有四萬八千人。其奴隸法名爲依法律而廢去。實則至今猶存。依然束縛勞工之自由云云。由是而觀。日本人對於荷蘭政府。敢取挑撥戰爭之方法。恰如彼玖馬(古巴)未爲西班牙領土之際。仿美人所用之筆法攻擊也。

人種問題之結局。○然則所歸當爲人種問題。其所注視之爪哇。即言將來非可屬於荷蘭人、德國人、或其他第三者之歐洲列國。言結局當爲日本人所屬。是以今日助長爪哇人種之教育文化者。即不可不推爲亞細亞人種自覺之先鋒者之日本人。充教師之任也。

暹羅與日本。○依此關係。令吾人自然想出者。尙有暹羅。蓋以暹羅之情勢。比於爪哇。尤在便利之地位。故在暹日本人之活動。亦足令人注目。按暹羅於十五年前。其歷史上爲遭遇種種不幸之時代。即一面爲英國所覬覦。一面又爲法國所壓迫。因兩國夾持間之協商未成。暹羅至今日。猶得免受分割之外交的

鐵鎚。日本先置使館於盤谷。繼派女教員任暹羅貴族社會之婦人教育。其受日本教育之婦人。一至出嫁。即以所受教育。轉授其夫。故暹羅男子。因間接受得日本之教育。即得直接入學日本東京之帝國大學。及高等工業學校等。與日本人接近。又彼等於外國之生活上。爲圖便宜。更設有東方學生會。兼置暹羅語講座。不第此也。暹羅軍隊。皆用日本軍器。及習日本操法。惟因如是。故暹羅人接近於日本人。自爲必至之趨勢。然日本人於暹羅之活動。尙非止精神上之事業。即於經濟上之事業。亦日見發達。一八九五年。由日本輸入暹羅之物品。不過二百萬法郎。然至今日由日本輸入暹羅者。已示突飛之進步。上六百萬法郎之鉅額也。

日本與俄國之外交。○以上所舉之二例。我等不過略示日本帝國主義政策之一斑。日本政治家。如果依此見解。向南方進行乎。則俄國之外交政策。亦可因之而得勝利。然於爪哇之混亂。及於暹羅之進取。其政策之發動。在其他歐洲列國。必至惹起意外之驚愕也。茲姑略論之以覘其將來。

美國之新國民主義

譯美國羅斯福論文

高 勞

近年美國。漸傾於帝國主義。以擴張軍備爲務。世界所稱爲第一平和之合衆國。今直破除孟祿主義。一躍而登世界競

爭之大舞臺。前總統羅斯福氏之所謂新國民主義者。即乘此時機。盡力提倡於國中。新國民主義者。亦稱進步的國



演說場之羅斯福氏

民主義。此文載於美國愛胡陀克(譯言外務之現狀)雜誌。茲譯錄之以介紹於我國。

余欲論究本題。先提出問題二則於讀者。

第一 讀者以我國現在社會、政治、產業、之制度為滿足、而不必再求改良乎。果爾。則讀者之不信新國民主義。亦無足怪。第二 讀者以現狀為滿足與否。姑置不論。若以進步之手段方法為誤。不信新國民主義之理想。則欲使我國民之勢力。十分發展。其主義果將何屬耶。批評一主義、政策、理想時。於未加非難以前。先考察其所以代之者。方為至當。

予曩日演說及論文。論新國民主義。就亞美利加政策說明進步運動之主義及精神。此運動之要點在欲使政府之行動。有十分之效果。然欲得此效果。必使政府之行動。依國民之要求及意志而進行。進而言之。則國民當知雖有賢明之政府。苟其國民之各個人。缺高潔之品性。則政府之行動。仍不能得效果。此國民所當自覺者也。

我等唱新國民主義者。動輒受急進主義之非難。實則吾人亦急進主義者也。吾人之欲打破特權。以得真正衆民之支配及真正民主之支配。關於此事。亦屬急進主義。雖然。名稱非吾人之深意所存。稱為保守主義。亦無不可。若事有當採慎重之態度者。吾人甯求緩慢之進步。試觀林肯時代。抱極端之急進主義。反妨害真正之進步。以林肯比拔克南及非爾謨亞。則林肯為急進家。以林肯比約翰蒲拉温及惠特非立普司。則林肯為保守家。故林肯之成

功者。猶非蒲拉温及非立普司二人之所及也。現今之大運動。爲進步的國家運動。抵抗特權。於政治及產業上。確立有力之民政。與半世紀以前林肯所主張之運動。同爲至當而合於道德者。今不問東西南北之市民。皆致力於此運動。是誠快心之事也。

反對此進步運動者。不乏其人。有干犯法律積巨資之不義之富豪。又有不信人民統治權之政治家。且有陽示廉直陰圖私利之人。皆反對吾人之主義。亦有不犯法律。由特權而得富。而不肯將團體之富。供公益之用者。及視所有權在人權之上。若勞工失其生命或致殘廢。政府干涉之。令出賠償金。而彼等不願。欲拒絕政府之干涉。若是之人。無不竭全力以反對進步運動。是則理解新國民主義。熱心以贊成之者有之。恐特權之被人剝奪。竭力以反對之者有之。此外更有誤解新國民主義。而不加入於此運動者亦有之。吾人對於此運動。屢遭非難。謂端從事於中央集權。是破壞各州之權利也。是乃未解事實之良民。因眩惑而起之非難。余去年之夏。於台巴及阿利滑脫迷。曾詳論此問題。言各州所爲。僅關於其州民之事。國家則掌關於國民全體之事。云云。予非望過度之中央集權。然關於國民全體之事。則當以遠大國民主義之精神出之。是則余所深望也。吾人皆爲亞美利加之人。共同利害之廣。正與大陸相似。政府屬於亞美利加人。則關於全美洲人之利害。當依政府以保護之。新國民主義之主張者。莫不主張此言。是則余之深信者也。

吾人主張有效果之國家行動。并主張有效果之各州行動。吾人之所要求者。各州及國家之行動。當爲人民之利益也。一州勢力之發展。與國家勢力之發展。不特不相矛盾。且相依而進步。維司康新州其例也。此州由元老員福來脫氏之指揮。過去十年間之進步。實足令人驚歎。行真正之民政。利用衆力。爲個人所不能爲之事。在他州實無其比類。而維司康新州大學。對於進步之國民運動。大振其勢力。全州之民。對於國力之發展。嘗爲熱心之援助。未曾因是而稍蒙其累焉。

特種利益之代表者及擁護者。動輒欲脫政府之支配。不勝浩歎。我今欲以新國民主義之理想對比之。我等所以主張新國民主義者。欲人民爲團體之活動。而受形式之支配。且欲各州及國家。擴張其保護個人利益之權力也。予對於非難新國民主義者。欲一問其非難之理由。我輩之新國民主義。既不得彼等之左袒。然則彼等將以社會之現狀爲滿足也乎。若以爲滿足也。吾固無庸曉曉爲。若猶以爲未滿足也。則捨新國民主義而外。代之之主義將若何。

新國民主義及國際關係

人欲爲國家有用之人。不可不先顧及一家之事。然盡力於一家。而不致意於國事者。決不得謂爲良民。以是推之。則大國民僅知國內之事。而不思其在世界之地位者。決不能認爲大國民。亦自然之理也。

今我國民之在世界。果能占一大勢力與否。雖未可知。然必努力以求占一大勢力於世界者。無待言也。其成功與否。在國民之進行方法如何耳。怯與暴俱非成功之因。吾人不可不兩避之。凡我亞美利加人。若惡不正之事。則所行者當以正義爲限。既致力於個人之事。尤不可不於自由及正義。再三致意也。

今世之人。公然主張見利忘義之言者。雖不數觀。然就實際之情形觀之。因利而爲不正之行者。不乏其人。雖比於國民全體。不過少數。然而多數之國民。竟放任此少數不法者之所爲。例如締結條約之時。不可無要求及讓步。然國民若任彼等之少數者。徒知要求。不知讓步。因是而致條約之失敗者。往往有之。就表面上言之。國家（非一州）與外國商議之時。國家有處理一切問題之全權。而就實際言之。時或顯露國民之缺點。往往然也。

我國公人之對於外人。每有弄輕侮之言語者。凡信亞美利加之勢力地位之亞美利加人。其代表者。缺於國際之禮法。詎非可愧。禮儀與勇氣相等。人欲自重。不可不具此二者。國家與外國交涉之時。不可不具此二性。吾人所當要求於吾人之代表者也。吾人賤視懦夫。然徒以大聲罵人爲能事者。亦吾人所深賤者也。不問爲國民爲個人。未聞有因非禮及訕罵而得人之尊敬者。不但不得人之尊敬而已。無若何之防備。自求紛擾。能不爲世所賤視乎。漫侮辱他國民者。實可惡之行也。欲行平和之政策。而好弄激怒外人之言。關於國防。又無慮及國家將來利害

之遠見及愛國心。則更可賤之極矣。

失國際之禮法。不親切以待遇外人之亞美利加人。可賤者也。不爲國防而設正當之方法。徒招外人之輕侮與嘲笑。亞美利加人之罪更大。以主張世界和平自任者。自有遠識之愛國男兒之眼觀之。覺彼等之真目的。不幸而誤。可勝浩歎哉。彼之反對美西戰爭。反對菲律賓羣島法律之實施。反對海軍之建設。反對巴拿馬運河要塞之建築。卽屬於此數也。此等人之一部分。其品性或無非難之點。惟其見地之謬誤而已。然其不顧國際上之體面。不以亞美利加人之屈辱與苦痛爲意。好誘起國民之名譽及不幸。吾人對於是等之狂妄平和論者。竭其全力以招國民之屈辱。不可不有以救正之。彼等若一讀歷史。當知其所以然矣。試觀支那。其領土如何廣大。其國民如何勤勉。徒以不知防禦。自招國辱。反爲惹起他國之不和。及戰亂之原因。近來此種之人。又反對巴拿馬要塞之建築。彼等所主張者。以是爲不踐英國條約也。然是不能藉爲反對之口實。何則。英國大使及英國外務祕書官。曾承認亞美利加人建築巴拿馬要塞之權利也。予任大總統時。曾與英國大使巴思福脫相會。提及巴拿馬建築要塞事件。大使答言。英國不反對美國之行動。且我國與巴拿馬國所結之條約。亦明言有此權利。然則此要塞之建築。不特我亞美利加人之權利。抑亦我亞美利加人之義務也。議會若不諾十分之出費。決不能得斷行之而無遺憾。於條約之下而設要塞於運河。非大總統之義務耶。況余之所深信者。乃軍事

上研究之結果。我南方之海軍根據地。不在卡脫奈瑪。而在巴拿瑪運河。職此之由。若不築要塞於運河。則遇與他國開釁時。但爲無償之獻上而已。從條約言。有認該運河爲中立之義務者。惟英國及巴拿瑪國而已。設不幸而與他國以干戈相見。敵即略取運河。無若何之顧慮。不受何等之干涉。得任意以占領之。君主國之代表者。嘗謂彼民主國不修軍備。對於國民防禦之重要地位。無何等之奇智。此民主國之所宜借鑑者也。民主國中往往有爲無誠意之助言者。此助言者之中。往往有欲妨害我國擴張海軍之熱物。又有謂既有大艦隊。不必再築要塞之痴漢。在事實上。海陸宜各建要塞。其主要之效用。在使海軍之活動。得敏捷而自在。若巴拿瑪運河無要塞。則戰時不能不委之於敵。否則爲防禦運河之計。不得不用極大之海軍。而戰時之海軍力。即因之而減退。若有堅固之要塞。則海軍不須顧慮及此。以軍艦代城塞之效力少。集軍艦於海岸諸港。分裂爲數小艦隊。乃海軍戰法之最劣者。蓋敵艦隊得逐次以捕獲之也。故無要塞之巴拿瑪運河。爲我國之一大弱點。有要塞之巴拿瑪運河。足增我偉大之國力。若我國民而知此理。則彼反對運河築塞之元老院議員及國會議員。以國利利他國者。當斥爲賣國奴矣。檀香山而外。未有如運河築塞之宜急急者也。蓋海軍根據地。不在多而在有完全且堅固之要塞。檀香山及巴拿瑪運河。爲海軍根據地之最要者也。

世人動以我國之擴張海軍。作戰爭將起之流言。是誠奇異之傾

向。外交上之一難題也。每聞人言。我國與英德日本。將有戰事。此等風說之流布。實爲吾人之遺憾。設一旦不幸。致干戈相見時能親臨戰地之人。決不信若是之流說。試思爲戰時有用之人物。其性質必較之輕佻殘忍以戰爭之說聳人聽聞者。大爲莊重也。余之衷心。排斥此種之煽動。然益證予所以確信不至與他國起戰爭者。乃依適當之注意與準備。使戰爭不起。且得防患於未然也。蓋有可戰之實。始能收弭戰之效耳。人或謂既不認與德日有戰爭之說。則擴張軍備。似無庸急急。今予欲問爲此說者曰。諸君之房屋。可漠然不慮火險而不保乎。但既保火險以後。將必期其屋之燒毀乎。蓋保險以備萬一之虞。猶築要塞以備萬一之戰事也。我嘗聞我國與英德日本之戰爭說。我思與此等任一國相戰。爲不能以言語形容之大慘劇。就最近戰爭之風說言之。予對於日本人。懷偉大之尊敬與深厚之感情者也。美日兩國之好誼親善。可以保障太平洋之和平。惟由一方移殖多數之勞工及小農夫於他方。非爲兩國之利益。而兩國之識者。於此有同一之見解。若互相敬重。兩國仍能維持其最親密之關係。余嘗讀日本外務省之半官機關報名日本時報者。說明非排斥日美戰爭論之理由。深信其所言之非謬。合衆國不特對於仇敵有防衛自國之責任。又對於諸外國。有不失慰勸親善之義務。而此義務之對於隔太平洋之偉大友邦之日本。詎非最緊切而痛刻者哉。

英國之帝國會議

僧父

今年西歷五月二十四號。英國召集自治殖民地之代表者。集於倫敦。開帝國議會。與會者有坎拿大、紐芬蘭、澳洲聯邦、新西蘭、南非洲聯邦各自治政府之首相。開會之日。由總理大臣阿斯克氏演說歡迎詞。此會至今。舉行至第五次。其目的在研究英國與其殖民地之關係令相密接之方法。各殖民地首相。會於倫敦之初。稱爲殖民地會議。其後於一八九七年、一九〇二年、一九〇七年、舉行不定期之議會二次。以英國殖民大臣之名義召集之。迨一九〇七年會議時。始決定每隔四年開會一次。改名帝國議會。以英國總理大臣之名義召集之。其會議更覺重要。本年即爲改名後之第一次會議。且際英帝加冕式之大典。爲英帝國前途一新之時機。其名稱既改。議會之性質亦變。前者僅研究母國與殖民地之關係。今則爲大英帝國之一分子。於帝國全體之政策。有參加發言之權。其動機胚胎於南非戰爭之結果。且刺擊於德國海軍之勃興。遂覺研究帝國國防之急不容緩。故前者以殖民地之特惠國稅問題。爲會議之中心。今次以軍備及外交爲重要問題。因其議事之秘密。外間不知其詳。其他問題。爲商船及航海法規。海底電報費減價案。世界航路全通案。帝國上訴法院案。國有大西洋海底電線及坎拿大橫斷電線案。議事公示案。設置帝國代議員案。殖民省改造案。文官交換案。國有無線

電報局案、殖民地債券案、二重課稅案、印花稅案。英國製造業海運業獎勵案、移出民及勞工周旋案、通貨及造幣案、在海外英領土之英領印度人取締方法等。皆重要之事件也。

今次會議。固以軍備及外交爲重。然二大問題之前提。更有一重大之問題。即英國之殖民地政策是也。英國殖民地之多。誠有曠長莫及之勢。而英國政府。對於殖民地之政策凡二。一、視殖民地爲國外殖民之地。與母國有種族上及風俗文化法律等精神上之關係。以此互相維繫。而別無其餘之關係。是則英帝國雖名爲一國。而實則分爲數邦。此殖民地自立之政策也。二、視殖民地爲國內之一部分。合成團體而爲一國。屬地與母國。不但有精神上之關係。形式上亦爲一體。此殖民地聯合之政策也。百年以來。英國之殖民地政策。恆不能確定。時用第一策。時用第二策。然在今日之時勢。已不能猶豫於兩策之間而不決。第一策歟。第二策歟。二者不能併用。不得不去其一而留其一也。而今日之討論殖民地政策者。或操帝國互助主義。即主張第一策者。或操帝國統一主義。即主張第二策者。是問題如何解決。實英國存亡興廢之所關。而解決此問題者。則英國之帝國議會是矣。

英國之殖民地。雖得自治內政。設立殖民地之政府。然十年以

前。軍備及外交。皆操於母國之政府。本爲帝國統一主義。其後殖民日益發達。又以距母國遼遠之故。殖民地遂自有軍備。一九〇七年以後。遂變爲帝國互助主義。此互助主義。即始於一九〇七年之殖民地議會。距今不過四年。其影響如何。至今猶未能目睹。然英國之政治家。固深慮其流弊所至。致英帝國有分崩之勢。而亟思有以防止之矣。

十年以前之帝國統一主義。與今日之帝國統一主義。稍有不同。十年前之帝國統一主義。其帝國之軍備及外交政策。悉操於母國。今日之帝國統一主義。則使各殖民之代表。參與帝國之軍備及外交政策。惟全帝國之軍備及外交政策。須合而爲一。各殖民地不得自有軍備及外交政策而已。二十五年前福史吞^{Foster}氏對於殖民地問題之言曰。與殖民地以自治。則英國之解散兆於是矣。將來且令英國成爲數邦。不可不熟籌其防止之法。蓋與殖民地以內政之自治。而於國防及外交。不令有所決擇。此矛盾之主義。不能並立。即幸而並立。亦非長久之計。故母國與殖民地。當有合一之軍備。及合一之外交政策。此今日所主張之帝國統一主義也。

統一主義與互助主義之所異者。以軍備問題爲最重。操統一主義者。欲使各殖民地不自置艦隊。而出一定之金額。以期帝國海軍之擴張。操互助主義者。欲使各殖民地均自置艦隊。以當互相應援防衛之任。但今日各殖民地之自置艦隊。則已見諸事實矣。

美國當立國之初。十三州亦以互助爲主義。卒至軍備不振。爲外邦所藐視。其後訂立憲法。合十三州爲一。遂有今日。英人有鑒於此。故力欲防止其弊。今就本年四月間泰晤士報所論。錄其一節曰。一九一五年之前。坎拿大及澳大利亞。將各有一海軍。不隸屬於英國中央政府。亦不受中央政府之監督。中央政府。對於坎拿大政府及澳大利亞政府。亦無絲毫之權力。此坎拿大及澳大利亞海軍。將輔助中央政府之政策歟。抑輔助殖民地政府之政策歟。坎拿大首相勞利安伯爵^{Sir Wilfrid Laurier}固已宣言曰。坎拿大之海軍。當輔助坎拿大政府之政策。然則坎拿大政策。設或與英國中央政府之政策相矛盾。則將從坎拿大而抗中央政府乎。抑從中央政府而抗坎拿大政府乎。又設英國與日本議同盟時。或遠東有至要之問題待決時。而澳大利亞之無畏艦八艘。乃馳逐於太平洋中。絕不受中央政府之約束。則外交上能不受影響耶。英國之外務大臣。能不生惡感情耶。且殖民地既有殖民地政府之海軍。則必且有殖民地政府之外交政策。必不肯即以中央政府之外交政策爲其外交政策也。勞利安伯爵。固已宣言坎拿大政府。將有坎拿大之外交政策矣。然殖民地既不遣使臣。亦無外務專部。將何以知外交之情勢及應操之政策耶。若其無畏艦不僅作爲珍貴之玩具。則殖民地政府。不可不知種種最重要之問題。如英日同盟之續訂與否。歐洲現狀與英國之關係。巴拿瑪運河與坎拿大之關係皆是。此外問題尙多。不暇枚舉。然而今日之殖民地政府。固未嘗有一機關以

研究此種問題。與中央政府時通消息也。以上所說。蓋推論帝國互助主義對於軍備外交兩問題將來之影響。而互助主義之弊害。亦略可見矣。

就英國之現狀觀之。則互助主義。方在試行。自由黨內閣。頗傾向於此主義。欲使英國之各殖民地。一一獨立。而改英國為聯邦國家。在野之統一黨。則固以帝國統一主義為標幟者。英國人雖信任現自由黨內閣之政策。而對於殖民地問題。則固贊成統一黨之政策。以免帝國之分裂。將來自由黨內閣。或因此問題而失國民之信任。亦未可知。測英國之前途者。以謂將來或因殖民地之獨立而變為聯邦國家。或因統一主義進行。組成完全之帝國議會。合各殖民地而成一大帝國。皆未可知。惟其解決之期日已迫。二者必取一於是矣。

英國之前途。無論殖民地自立而變為聯邦。或殖民地合一而建立帝國。苟欲其不至分裂。不可不組織一完全之帝國議會。目下之帝國議會。雖較日前之殖民地議會。已覺改觀。然據英報所言。則謂此次之帝國議會。仍與一九〇七年之殖民地議會。無甚大異。所議者多為種種小節。而於重要之軍備問題及外交問題。尚無甚解決。在英人頗為失望。然欲組織一完全之帝國議會。於英國慣例上。亦頗為難。現在英國之政權。操於上下兩議院。而下議院議員。皆自三島中選出。全無帝國議會之性質。亦有欲將殖民地代表。選入下議院。即以下議院為全帝國之議院者。亞丹斯密。亦曾為是言。然英國下議院所議之事。不盡屬於

帝國政務。其議案之大半。僅關係於英倫一島之事。殖民地代表。不必過問。若欲舉殖民地代表入上議院。則又必封為勳爵而後可。亦輿論所不許。總之。若認英國之殖民地為英國地方之一部分。則英國之母國。亦不過為英國地方之一部分。而英國現在之下議院。乃以一部分之地方議會。兼有帝國議會之權。其性質權限。殊不明晰。現在統一黨之意見。欲將英吉利三島之事。歸下議院提議。而關於帝國全局之事。則設帝國議會以提議之。帝國議會之議員。則以全帝國各部分所選之代表充之。此論固甚確當。惟各部分之人口不相若。財產不相等。組織議會之方法。平允良難。近來論者。約有二說。一說謂帝國議會。當分為上下二院。上院議員。各部分平均選出。人數相等。下議院議員。則依各部分之人口數分配。是仿美國上下議院之制度也。一說謂帝國議會。不分兩院。各部分之人數。亦不能相等。設議員額為五十五。則英倫三島。選出三十五。而坎拿大八。南非洲四。新西蘭二。紐芬蘭一。至印度之當選出代表與否。則須更加研究。是仿德國聯邦議會之成例也。又選舉之方法。亦議論不一。德國之聯邦議會。其議員由行政部委任。美國之上議院議員。由各州之立法部推舉。澳洲之上議院議員。則特設一選舉部以選舉之。此三法者。皆將來英國組織帝國議會時所當討論之問題也。本年英國十九世紀報。對於此事。曾著論說。主張帝國議會議員。當由各地方之行政部委任。且得由行政部更易其人。如是。則英倫三島之三十五代表。即由總

理大臣委任。是帝國議會之多數議員。即英國之責任內閣。亦即下議院之多數黨。將來帝國議會。自不至與下議院衝突。若下議院之多數黨變更。內閣更易。則帝國議會之議員。亦隨而

易人。以爲調和之法。此雖爲現時之理想。然恐不久將成爲事實矣。

俄國之極東政策

譯東京日日新聞

蓬仙

中俄國境上之葛籐。漸歸平穩。然中國政府新約言之履行。果能使今後割絕葛籐與否。殊難斷言。近時俄國中央政府。對於西比利亞及極東俄領之設施措置。爲吾人所當注意者。其事之關係於對中國政策與否。雖難速斷。然必非毫無緣因者也。俄國得德國之默契。在歐洲之俄境。暫可無慮。得專致其力於東方。其以對中國爲主。或以對日本爲主。雖未能判然。惟其最近時在極東之施設。竭力振新。則爲可注目之事實。今在極東俄領之地。陸軍大臣既來。海軍大臣續至。外務大臣俟病愈後。亦將來遊。俄國大政黨首領有名之哥高夫。辭下院議長之任。就極東遊歷之途。視察南滿洲日本之經營。其汲汲果何爲者。是皆事態變更之暗示也。縱令其目的何在。未易究明。而俄國之東方經營。急急進行之意。固不言而喻矣。



黑龍江新總督康達的

俄國之極東政策。最重要者。軍政之刷新是也。康達的氏就俄領黑龍江總督新任以後。北滿洲及俄領東境之軍司令官。悉行撤換。即沿黑龍江軍管司令官。以日俄戰役第二十四狙擊聯隊長之幾克將軍任之。將軍在當時。始終立於九連城之戰線中。卓著勇名。又以義克的恩中將任伊爾庫司克軍管司令官。中將在日俄戰役中。唱死守旅順之議。與旅順防備軍中故經特賴安克將軍並稱者也。更以日俄戰時勇名卓著之邁爾脫非諾將軍。任後黑龍江護境軍管（即北滿洲軍）之新司令官。以少壯有爲之將軍。拔任重要之地位。則俄政府銳意於遠東軍政之刷新。可以推測知之。其郵傳部又以四十四萬盧布之勸查費支出案。提出於內閣會議。以著手於阿爾泰鐵道之敷設計畫。使中俄邊境上輸送機關。速於完成。當陸軍大臣極東巡遊時。工兵技監及海軍大臣。共會合於極東。新海軍大臣格里俄愛伊中將。於

日俄戰時。在旅順艦隊中。稱爲精通極東時事之人。會合以後。必將產出如何之新設施。固不難推測而知之也。

近時接一報曰。俄國中央政府。對於極東之內政及外交上。新設有最高指揮權之重要官職。又曰。俄國陸軍省。新設東部陸軍大學於極東。斯二者皆確實之新聞。不啻將俄國極東近時之趨勢下一解答也。今回憶阿克塞夫提督之名。及其任俄國極東太守時之情形。尙覺有一種之惡感。不能自己。當俄國設極東太守府於旅順。以阿提督任太守。總攬東方一切之政事外交。駐中日韓三國之公使。悉受旨於太守以進行。東方外交政策危機。遂伏於此。終至爆發。俄國極東太守府之開設。即日俄戰役之原

因也。今又恢復舊時之制度。吾輩殊難揣其意之所在。想俄國中央政府之意。欲致力於極東之經營。凡軍事外交內政。特設一高級官職以處理之。統一事權。各國近代之制。一國設一陸軍大學爲常。今俄國特於極東。增設一陸軍大學。乃欲使極東施政。全然獨立。極東之事由極東措置之。此爲俄政府策畫之大方針。今已洞見。要之俄國近時對於極東之活動。實爲經營東亞之準備。其主眼之在中在日。姑置不問。而其新計畫必有發現實行之一日。無庸疑議。接疆大陸之國民。尙當留意於東俄新政策之傾向也。

世界平和主義進行史

譯美國世界報哈密爾敦霍爾忒論文

甘永龍

平和運動者。卽以法律代戰爭之一種手續也。平和由於公正。公正由於法律。法律由於政治團體。三者相因而至。今世界五十有九國中。其鄉鎮城邦。幾莫不盡賴有政治團體而有法律。有法律而有公正。有公正而克保其平和之福矣。然此不過就各國之內部而言。至於國與國之在世界。苟欲擁護其權利。仍不得不借資於力。力也者。戰之謂也。試問今日國際爭端一起。有不以戰爭爲合例及最後之解決法者乎。質言之。今日世界各國。其文明所及。尙在以本國民命爭兩國意氣時期。彼有國者

固自以爲應有此權利而無所於惜也。是故平和問題者。不過欲使各國以內部已用之方法。移而用諸國際耳。昔日已有一國之私律。今日不妨創爲萬國之公律。昔日已有聯邦之國家。今日不妨擴充之。聯各國家而成和平之世界也。今之所謂萬國公法者。其發展之程度。正與十世紀中之私法或自治律相同。勞倫斯學士 Prof. T. J. Lawrence 嘗有著作。名曰平和之進化。將私法之發達。分爲四大時期。

一、惟血統相關者始連結爲一。復讎私鬪之事。可恣意爲

之。而全無所稟承。

二、知團體為有益而組織之。於是有會長之種族。常得制伏無紀律之野蠻。而種族中私鬪之權利。雖不加禁。然已稍有節制。

三、私鬪之權利。與公庭之裁判。並存而不廢。然權利已有定限。

四、私鬪之風全革。一切爭端。待決於法庭。

以國際交涉而論。則今日之所達者。正係第三時期。蓋各國雖已立萬國裁判所於海牙。然持干戈以定曲直決雌雄之舉動。則各國仍自有其權利。初未嘗盡革也。又試取美國十三殖民地自分邦而成爲今日合衆國之聯合史。一審讀之。則更可瞭然於今日世界各國所臻之時期。即昔日美國殖民地初次聯合之時期也。合衆國之所以成立。以設有聯邦條約。及建有新大陸議院故。世界各國之所以聯合。以設有海牙裁判院及立有歲時舉行之海牙萬國大會故。海牙裁判院。即將來全世界之高等法廷。海牙萬國大會。即世界人類大議院之先聲也。是則立法司法。今日已有其基礎。所缺乏者。不過萬國行政權耳。


臆言之。美利堅之新大陸議院。既與海牙萬國大會相應合。而聯邦條約中所籌備之方法。藉以調停各邦間之爭端者。又與今日之海牙裁判院酷類也。美國初次之聯結。殊不足以壓北美洲人民之所欲。因是加以擴充。而成爲今日之合衆國。是則海牙裁判院與萬國大會。其今日之組織。尙不足以應世界各國之所

需。而因以擴充之。使成爲世界憲法中之立法部與司法部。固未嘗不可。由是以觀。則謂他日世界中必有一最高之法廷及自治之議會出現。法廷所以裁判各種之問題。議會所以定一切有公共關係之法律。而又有一種行政權以實行其所判與所定。是亦未始非意中事耳。

目前盡力於平和主義而助其進行者。無論爲團體、爲會社、爲個人。其爲數之多。試一計之。吾知未有不色然以駭者。然本篇祇就其與增進平和有直接關係者言之。所謂有直接關係者。約可分爲三類。曰官界。曰半官界。曰非官界。

官界即政府也。其爲世界組織平和之第一步。即千八百八十八年美國麥克利蘭君 James B. McCreary。於合衆國議院中發起議案。擬設全美協會（全部美洲人之公議會）是也。此等協會。即今日全美共和國同盟會之立法部。自設以來。業已大會四次。首次於華盛頓。二次於墨西哥城。三次於巴西京城。四次於巴諾埃利士 Buenos Ayres。（南美阿勒丁共和國最大之省分）即舉行於去歲夏間者是也。該協會設事務所於美京華盛頓。是即全美行政權之胚胎。此所已定名爲全美洲聯合部。由拉丁種族各大使及各公使之駐於美京者主持之。而美國之國務大臣。則任該部之議長。衆中又公舉一人爲總理。凡協會中彼此應辦各事。即由總理籌畫之。該部現設於美京最富麗之某屋內。此屋價值一百萬元。由楷那基氏 Mr. Andrew Carnegie 捐贈者也。國務大臣羅忒 Root 稱之曰親睦堂。今爲該部總理者。乃約翰

巴拉忒 Mr. John Barrett 云。雖然。此不過就美洲一部分而言。至其範圍較廣而關係更重者。則海牙萬國大會之設是也。是大會者。已舉行二次。初次在千八百九十九年。二次在千九百七年。三次當舉行於千九百十五年。首二兩次之會。專注意於改良戰事。俾合於人道主義。並訂定戰律。使更臻明確。即此二端。已於開會之宗旨為無忝。例如首次會議時。將比京勃羅塞爾 Brussels 陸戰律改訂一過。又採取千八百六十四年奇尼伐 Geneva 紅十字會所議各要旨。俾以後有事於水面者。務當遵守。即毒氣火藥。漲性礮彈。乘坐氣球以擲炸彈等條之禁律。亦係此次所定也。其第二次則建設萬國海面捕物上訴院。禁止浮面水雷。訂定開戰預告律。及不准以礮火轟



美 國 富 豪 楷 那 基 氏

擊無蔽禦之都市等是也。惟兩次所議。均屬消極主義。蓋僅僅以禁止為改良。使爭戰者稍免殘酷。而其以開戰為判是非定曲直之合例方法則一也。雖然。海牙兩次會議。固嘗欲求良法以為戰爭之替代。首次所得凡三。隨即見諸實行。此三法者。於第二次未開會前之八年中。實有大影響於世界之和平。所謂三法者。設海牙裁判院。一也。當開戰之先、組織調查會以考查事實。二也。既開戰之後。第三國准得出而調停。三也。就其成效言之。則自有海牙裁判院。而英德意三國不得礮轟委內瑞辣 Venezuela。自有調查會。而英俄二國不至以道格賁 Dogger Bank (介乎英丹兩國間德國海中之沙岸名) 事件開戰。自有第三國調停之律。而

美總統羅斯福。得插足日俄之間。以止其血戰。

第一次之海牙和平會。為聯絡全世界之權輿。世人至稱之為萬國公法之麥那楷泰。

(Magna Charta 英國首次大憲章) 獨惜其時與會各國。

僅就其平日派有公使於俄廷者。是以範圍較狹。及二次開會。由美利堅墨西哥二國出而力爭。於是世界文化之邦。均得遣使蒞場。是為世界各國聚議公共事宜之發軔。其定章凡議案未經全會一致贊成。即不得通過。此所以一小國之力。足以牽制各大國。其立法不可謂不公。斯會也。除改良爭戰外。又創立一裁判院。即以合衆國上訴院為模型。是裁判院者。由自請評判而進於強迫評判。並禁止收買國債以凌迫他國。



海牙萬國和平大會第二次集會之情形

三十

是為弭戰之最要政策。且萬國和平大會之舉。本由俄人操之。及第三次而始由各國派員管理。此方法亦於第二次會時預定也。雖然。海牙大會。猶不能真謂之立法議院也。是不過外交家之會議。准得於會議時條陳所見。而欲成爲萬國公法。則須各國批准耳。所可注意者。則大會時所陳方法。各國蓋未有不批准者。第二次蒞會各員。咸以爲本會當連續舉行。永不間斷。並謂本會之威權。當日以發達。終至成爲真立法院。其權足以涵蓋全球之四十六國。亦猶美國之新大陸議院。其權足以涵蓋四十六邦而後已。此其所見。固未始不在情理之中。

除海牙平和會以外。其爲各國政府所組織。而用以保守平和者。則萬國裁判院是也。其業已成立者凡四。曰隨時公判院。Permanent Court of Arbitration 卽第一次開海牙會時所創立者也。曰公判司法院。The Court of Arbitral Justice 曰海面捕物裁判院。The Prize Court 是二院乃第二次開海牙會時所創立者也。曰中美洲司法院。The Central-American Court of Justice 是卽千九百零七年九月至十二月。中美平和協會會議於華盛頓時所創立者也。

所謂隨時公判院者。每有事件發生。該院卽隨時組織。然其實不可謂之法廷。蓋該院之本意。不過謂既有如是之場所。則公判較易。且其結果。大抵以從中勸和。令彼此讓步而止。非如法廷之有判辭。判辭既下。則無可挽回也。凡與於海牙平和大會之邦國。均有派遣裁判員四名之權。以組織此院。倘各國咸派足四名。則當得裁判員一百六十八人。祇以有某二國合派四人。遂乃不盈此數。據予在本國國務部所見之名單。此單係千九百十年三月十號以前所核准者。則裁判員共有一百三十八人。是一百三十八人者。合成公判員之全體。設遇爭端。則不論何國。可於此全體中擇其二人或五人或七人而組織一公判院。惟該院全無法律上之權力。對於無論何國。斷不能召之使就審。亦不能實行其所斷。然而該院所業已審結者。計有八案之多。試述之。

千九百零二年。聖款案。The Pius Fund Case 原告墨西哥。被

告美國。

千九百零四年。委內瑞辣案。原告英德意。被告委內瑞辣等。

千九百零四年。日本房捐案。原告英法德。被告日本。

千九百零五年。木甲 (Muscat 阿刺伯商埠) 案。原告英國。被告法國。

千九百零九年。喀薩勃倫加 (Casablanca 摩洛哥西北岸海埠) 案。原告法國。被告德國。

千九百十年。邊界爭執案。原告挪威。被告瑞典。


千九百十年。紐芬蘭漁案。原告英國。被告美國。

千九百十年。荷勒諾哥河 (Orinoco 南美洲北部河名) 案。原告美國。被告委內瑞辣。

所謂公判司法院者。係第二次平和會時所設立。非欲以超出於公判院之前。實欲以增附於公判院之後。蓋公判院不過由兩造自擇公正人。居間評判。其性質偏於調停。公判司法院。則就案審斷曲直。卽裁判院也。發議者爲美國。卽以美國上訴院爲模型。以裁判員十五人或十七人組織之。各員任事久而受薪優。每年聚集一次。年底始行解散。蓋此等裁判員。既兼有自由之權。則其所辦之成案。及其所陳之意見。卽可爲將來萬國大司法院之基礎也。海牙平和會中。各國之派有代表者。爲數凡四十五。然輪值之裁判員。則僅須十五名。是可知各國之中。必有三分之二。未能與於派選裁判員之數者。因此而議定地球八大國各常派一人。卽英法德俄奧意日美是也。其餘三十七國。

世界平和主義進行史

則用輪流法分派九人。例如其較大者如西班牙。十二年之中。准得派員十年。其較小者如巴拿瑪與波斯。則十二年之中。僅得派員一年。此議一出。而巴西國之平和代表巴婆柴君 Señor Barboza 召集各小國。誓與八大國效死一爭。其所持理由。則曰。設吾儕各國。而不能與八國同享常派裁判之權利。則主權之中有高下矣。是豈非與萬國法律之最初主義相背乎。巴婆柴之言。不可謂無效。美國即首先建議。國無論大小。於選擇裁判之舉。可用投票法。若是。則不患有偏倚矣。七大國皆從命。獨法國抗議。於是而此舉遂不復能進行。蒞會各員。咸知此項問題。非倉卒所能解決。共議展緩。直至去年春間。美國國務大臣璫克斯君 Secretary Knox 宣言於外。謂已有解決之計。此裁判院不久即可成立。惟據外間所知者。則璫克斯君并無新法。不過就各國之中。其願意遵照舊議（即八國各派一人三十七國輪派九人）將裁判院成立者。則各該國一經會集之後。立即宣告成立。行開院禮耳。然而此種政策。不無危險。蓋大國之於小國。既不以平等之禮相待。




中 美 洲 舊 司 法 院

則小國甯肯肯于子而來耶。海面捕物裁判院者。其性質實係軍事裁判院也。蓋此院之有事。必在用兵之後。若各國無兵革。則此院竟可不設。當此院未立之先。凡中立國之貨物。被戰事國所逮捕而指為犯禁者。必須於戰事了結之後。始往伸訴於戰事國之法廷。海面捕物裁判院者。乃各國法廷之上控處所。以各國所派之裁判員組成。無論戰事國或中立國。皆派有裁判員於此者也。所可異者。八大國所派之裁判。較各小國為多。而各小國會無反抗。彼公判司法院之組織。實即以此理為基礎。而各小國乃紛紛爭執焉。是誠不知其何以也。欲創立萬國公共法廷。而以現有之裁判所為模範。則中美洲司法院其最善者矣。中美洲之邦國凡五。此五邦之間。苟起有爭論。發有問題。不論其性質若何。來由若何。但使其非各邦之外部所能了者。則立即舉而委諸中美洲司法院。待其裁判。美國富豪格那基氏。嘗捐十萬元。令建造此項司法院。願於二年前猝遭地震。屋以傾圮。然格那基願出資再建云。

海牙之所謂平和殿 Peace Palace 者。楷那基君嘗出資一百五十萬元以供建築費。將來此屋落成之後。所謂平和大會海牙裁判院及常駐辦事所等。皆當設立於此。千九百十五年。開第三次平和會時。此屋必已竣工。且此屋之建。凡地球各國。無有不酌量捐助者。

美國人所深自慶幸者。則今世已成立之四大院。美人蓋無一不與有發起之功。所謂四大院者。即前文所述隨時公判院、公判司法院、海面捕物裁判院、中美洲司法院是也。中美司法院。由美國國務大臣羅威與駐美墨西哥使臣克利 Señor Enrique C. Creel 同心一德。出而力勸中美各邦停止干戈。開平和會於華盛頓。蓋是時中美洲



海 牙 平 和 殿

之戰事方劇也。迨平和會既開之後。不特中美司法院於以創建。而閩都拉斯 Honduras 亦即於以中立。各共和國之內治及屬地亦即於以保全。幣制委員會。全美鐵道委員會。各邦事務所。教育會社。農工礦美術商業等學校。亦皆於此會定之也。現時弭戰之方法。其最有力者。自推裁判院與平和會二者。其次則為公判。當初次開會時。各國於自願公判外。咸不樂復有所增進。及二次開會。而多有贊成強迫公判者矣。與會之國。願訂立此項條約而即行畫押者。已居三分之二。然終以德奧及歐洲諸小邦極力反對之故。此約未克成立。特此項動議。已成不可遏抑之勢。迨三次開會時。必能成立。況各國

自初次開會之後。已經磋商成就之公判特約。不下一百三十三件之多。其丹荷特約、(丹麥與荷蘭)丹葡特約、(丹麥與葡萄牙)丹意特約、(丹麥與意大利)挪威特約、(挪威與瑞典)智阿特約、(智利與阿勒丁)中美五國特約等。則凡遇爭執事件。不論其性質若何。一概以公判法調停之。雖然。現行之各特約。實繼千九百三年英法公判特約而起。英法公判特約中有一語云。凡關於榮譽及極重要之利益者。仍須以戰事為評判法。是以各國所訂特約。亦均載此一語。夫如何為榮譽。如何為極重要之利益。並無正當之界說。此所以一百三十三件之特約。謂之極有關係可。謂之全無關係。亦未嘗不可。

一千八百九十七年。英美極著名之公判條約。即所稱為哇爾乃龐斯福忒條約 *Oney-Pauncefote* 者。如果見諸實行。則其效力當甚大。不幸美國上議院中。贊成者僅止三票。此約乃遂中輟。其後惟日美條約。庶幾可稱嗣響。日美條約者。先之以日美公判約。繼之以意見宣告書。由駐美日使與美國國務大臣羅忒氏結成者也。美國嘗與世界二十二國訂立公判約。而二十二約中。均有「關於榮譽及重要利益者仍須以戰事為公判法」一語。即日美條約中亦有之。惟意見宣告書內。則謂兩國當尊敬彼此之領土及主權。其實領土主權二者。即所謂極重要之利益也。

日美二國。凡遇有交涉之事件。無一不可聽命於公判。而獨至極重要之二大利益。則既不取決於公判。亦不取決於戰事。而曰彼此尊敬。是則此二大強國者。可謂有裨於萬國平和之道者矣。

各國元首之昌言公判。而顯示其贊成之意者。始於美總統塔虎忒。蓋日美公判條約成立之後。塔虎忒於演說時頗示滿意。而又隱然謂英美二國。更宜立一公判之條約。俾後此之爭端。祇須取決於情理。而毋以兵力相尙云。

領土中立之法。亦足為增進平和之助者也。今世界之已告中立者。曰瑞士。曰比利時。曰伊奧尼亞羣島。曰 Ionian Islands (希臘之西) 曰盧森堡侯國。曰 Grand-Duchy of Luxemburg (德比之間) 曰挪威。曰麥哲倫港。曰 Straits of Magellan (南美極南) 曰多瑙河 *The Danube River* (歐洲著名大河) 曰閩都拉斯。曰薩伏 *Savoie* (在歐洲阿爾布大山境內) 之一部分是也。其沿於婆羅的海及北海之國。均得保存現狀。而蘇彝士河亦已宣告中立。此時則巴拿瑪河中立問題。亦正在華盛頓辨論。至為激切。其贊成中立主義者。係福斯德氏 *Foster* 湯奈氏 *Tawney* 葵蒂氏 *Keifer* 巴索爾忒氏 *Bartholdt* 等。贊成防衛主義者。則係美政府。而又有海陸軍為之後盾也。

三年間之四大革命

蓬仙

墨西哥之政變。漸次告終。其最後之慘劇。則前大統領狄愛士遁竄是也。彼深謀遠慮之梅特洛。雖暫時擁戴他人。自避顯要之地位。而輕舉浮躁之墨國民。竟放逐其三十年來之主權者。夫狄愛士非世所稱爲墨西哥之俾士麥克者乎。當昨年墨國舉行獨立百年祭時。中外之輿望。集於斯人。今竟爲國民所逐。遠遁於墨西哥之母國西班牙。彼爲革命潮流所左右之墨國民。對於八十餘齡之老翁。三十年來之恩人。曾若脅迫鄰家之豚兒。無若何之感情。吾人對此。能無感乎。今試回憶最近之四大革命。可以推測個中之事理焉。

四大革命者。前年土耳其波斯之廢立君主。昨年葡萄牙之改革帝政。及今年墨西哥之內亂是也。前三國之主權者爲皇帝。後者爲大統領。前二者爲廢立君主。後二者則爲更變政體。其事雖異。然其爲驅逐主權者則一。土耳其之革命。在一九〇九年。青年土耳其黨。決議於聖斯堆發營中。決行占領宮城。迫土帝利路但去位。波斯之革命騷亂。由於南方勃幾路民族之勃興。侵入首都。決行廢立。當急難時。波帝避入俄公使館。僅得少許之年俸擁數人之扈從。遠離故國。昨冬葡國之變。蓋數年來鬱勃之革命運動。至是勃發。十月五日。礮擊王宮。當時瑪奴埃爾二世。僅託身於他國之國旗下而免難。而供革命之犧牲者。至今年而又增一人。三年之間。乃有此四人同命者。回憶而比較之。有感歎而不能自己者矣。

土波同爲回教國。其革命也。由於國民之希望憲政。皆於第

二次之革命運動。決行廢立。青年土耳其黨及波斯革命黨。擁立新帝。努力於憲政之發達。以至今日。葡萄牙與墨西哥。俱爲臘丁民族之國。其革命之動機。發於個人之野心。及軍人之不平。試觀葡國一九〇七年。其全國海軍。已有叛亂之勢而未成。陸軍部內之共和主義。年年鬱積。終惹起政體之急變。至墨國之叛亂。以大統領再選之非理。武力擁護當選之否認。爲國民軍所藉之口實。而起因於首領梅特洛個人之野心。則人所共知者也。回顧三年間四大革命之蹟。土耳其與波斯之革命。其革命之宗旨既正。其革命之收效亦速。葡國之政變。舉事以先。當局者用意深遠。預得英法兩國之默契。見機而作。收豫想以上之美果。至於墨國之事。則異其趣。昔日之所謂叛軍者。慨狄愛士之屈於強鄰（指北美合衆國）一朝糾合同志。突發亂事。構兵數月。而於外國之交涉。無致意者。政變之局。今已告終。其間雖未惹起國際交涉。然此後強鄰之美國。對於平定後之新墨國。其狀態將如何耶。墨國新政界之將來首領梅特洛之前途。果能平安無慮否耶。比於前二年之三國革命。不得不謂其根底之薄弱也。

✽

✽

✽

✽

✽

葡萄牙之政變

杜山佳

葡萄牙共和政府之成立。收功於咄嗟之間。考歐洲革命之史。固未有若斯之暴者也。豈世變之異歟。抑葡國最近之政治。固有以速其亡者歟。說者謂。葡前王

十一年。西班牙王斐立派第二入葡都利司波阿。而葡國遂與西班牙合併。西班牙壓制甚。且葡嘗以助西班牙戰事。而割殖民

喀爾羅斯。任布蘭哥為相。中止憲法。實有以致之。今廢王瑪奴埃爾嗣統。雖復召集國會。而內閣屢易。叢脞益甚。故中止憲法之明年。喀爾羅斯即被弑。不三載而王室遂亡。嗟夫。是殆未察葡國相沿之政體。

而欲以數年來之近事當之耳。夫謂葡國政治之腐敗。實始於喀爾羅斯時。已非篤論。至以改革積弊。維持王政。望之瑪奴埃爾。是猶買長沙以秦地可全。賁之子嬰也。葡萄牙之革命。其禍機所伏。蓋已三百餘年。夫豈一朝一夕之故。則欲明



葡國騎兵捧共旗告新紀元

此次政變之由來。不可不察其過去之歷史。葡萄牙當十五世紀。為航海之雄國。自一千五百七十八年。塞巴斯基阿諾王死於摩洛哥之戰。其叔立二年而卒。一千五百八

潘伯爾所規畫之事業。遂隳於中道而國運復落。後以法國與西班牙聯合。恣為掠奪。而海運貿易掃地。所蒙損害。不可究詰。至一千八百七年法帝拿破崙命將略葡萄牙。葡之攝政王約翰。

率王族逃於巴西。而葡萄牙遂爲法國所有。

巴西在南美洲之東部。自葡王瑪瑞愛爾略地海外。遂爲葡之領土。約翰在巴西之翌年。西班牙人起而抗法。葡人亦起事。英復以兵援之。閱十年。而葡國始脫於拿破崙之羈縛。然約翰王在海外。不得親國政。英將握統治之權。

葡人以仍制於英。終不懌。一千八百二十年。乘英將赴巴西與約翰協商之際。遂創亂於俄羅多。全國響應。乃設議政院。執行政務。定民主憲法。踰年。約翰歸國。新憲法頗不利於王室。不得已而遵守之。嗣以葡巴兩國。不能合隸於一君主之下。遂以其長子配特羅爲巴西國王。離葡萄牙而獨立。約翰之次子迷兀爾。欲顛覆新憲政。雖得軍隊之助而達其目的。然自是內訌不絕。一千八百二十六年。約翰崩。配特羅既王巴西。憲法不能兼葡王。故葡人奉其女瑪利亞第二卽位。制定憲法。鎮守舊黨之反抗。然瑪利亞幼。其叔迷兀爾攝政。

閱二年而僭立。廢憲法。刑自由主義之人。巴西王配特羅。欲擁護其女之權利。乃禪位於其子。而率葡之通人伐葡國。英亦以艦隊助之。一千八百三十三年。陷葡都利司波阿。復瑪利亞位。翌年配特羅死。瑪利亞既成年。遂親政。傳配特羅第五路



葡國革命後共和黨慶祝之圖

易芝而立喀爾羅斯。自瑪利亞親政以來。迄王室顛覆。七十五年之間。葡國內變亂頻迭。殆無甯歲。葡國三百三十年間。併於西。亡於法。復制於英。又有迷兀爾篡立之舉。外患內憂。可謂亟矣。宜其君若臣懲前毖後。專力

於教養。以謀國利民福。無如政以賄成。民怨其上。不以前車爲鑒。而復蹈其覆轍者。陵遲至今。未嘗變也。誅求無藝。王室既斂怨於民矣。以奢侈故。而內帑不足以給。則又取求於國庫以益之。且或受執政權者之賄賂焉。如喀爾羅斯時。進步黨之內閣。欲解散議會而納賂於王。其一例也。受其賂者。但求有利於己。曾不計其凶於家而害於國。嗚呼。衆怒難犯。專欲難成。即此一端。已足亡國破家而有餘。而況利此橫征暴斂之所入者。固不獨王室哉。請更觀葡國之政黨。夫政黨者。調查政務。研究政策。以爲國民導者也。則當與國民同其休戚。而非假其名以營私利也。固不待言。葡國自一千八百二十六年立憲以來。政黨之種類。凡十有三。離合不常。大別之。則爲進步黨改革黨二者。皆王政黨也。其黨人。大都藉擁護王政。以達其卑劣之目的。惟日孜孜。以營私利。不惜爭及鋒刃。而陷國民於貧而無資愚而無識之境。議員之選舉。皆惟財力勢

力是視。雖有國會。非真人民之代表也。政黨如此。其起而握政權者蓋可知。當配特羅第五崩。王室多難。其弟路易芝。歸自德。即王位。勵精圖治。欲開闢富源。講殖民之政策。黨人撓之。卒被迫於陸軍大臣沙爾且哈。然沙爾且哈之專政。惟掌國庫之管鑰。以遂其金錢主義耳。他非所問也。凡葡國之欲專政權。及政黨之相傾相軋者。皆此類也。皆欲分聚斂之肥而自厚其封殖者也。何嘗一念及國民之休戚乎。久之。葡民亦倦於政黨。而王室益為怨府。王室政黨。皆以瘠民肥己為惟一之目的。而國民之負擔。遂日益增加。以釀成經濟上之弊害。葡萄牙。農業國也。其民四分之三。從事於土地之耕作。以栽培葡萄橄欖為主。租稅苛重。已非所堪。且進口稅亦復異常苛重。以致物價騰踊。幾不得備日用必需之品。如砂糖之稅。課一啓羅克朗姆六便士。石油稅。則過其通常價格之四倍。茶亦如之。雖魚與米。為人民主要之食物。亦不稍減。力農者遂直接間接。而負擔此多額之租稅。益困苦顛連而無以為生。且民膏民脂之搜括。祇以填少數人慾壑之欲。而未嘗用之有道。以為國民福利計。故雖取之盡錙銖。而經濟之困難。政府亦受其弊害。百姓不足。君孰與足。不其然乎。不其然乎。」



巴黎歡迎共和黨之成效

且葡。非獨患貧也。其民之愚亦特甚。政府素不講國民教育。國立之學校及受國家補助者。殆不一見。而蚩蚩之氓。又未嘗注重於此。故民立之學校。雖有如無。即最有名之奧伊蒲拉太學。猶時授人以笑柄。則其他可知。故葡民之識字者。十分中殆不得其二。昔秦始皇焚書坑儒。以愚黔首。固欲利民之不識不知。莫予毒而得逞其虐也。葡政府之用心。殆亦類是。然首發難者。乃在輟耕隴上之陳涉。豪桀並起。卒以亡秦。今葡之王室。亦終以顛覆。則亦何益之有哉。王室政黨之瘠民以自肥也如此。而其民又貧而且愚。葡之不國。固已久矣。其不亡者特需時耳。豈能專責之喀爾羅斯。然謂喀爾羅斯為無罪。則又不然。喀爾羅斯承父路易芝之性。耽文事。嫻技擊。故好田獵。而獎勵學問技藝。其后瑪黎。喜盡瘁於公衆事業以博令名。嘗開萬國衛生會於葡都。特注意於太子之教育。以屬望於將來之國王。然稅政相續。則如故也。其以解散國會。受進步黨內閣之賂。改革黨聞而大嘩。共和黨從而和之。且得進步黨總理署名之支券。而暴之於衆。乃應瑪黎后之要求。而自國庫支出以贈之者也。其全額為四百萬密爾司。喀爾羅斯又嘗以私利為目的。而逮捕土地抵當銀行之理事。蓋銀行之理事。其重要者。大都皆離政權之黨派首領。以此為營

私之窟穴者也。觀此二事。而喀爾羅斯之爲何如人。可以推知。喀爾羅斯雖貪贖。固亦知政之不綱。危在旦夕。亟欲改革積弊。然內閣雖屢易。類皆以暴易暴。而國益瀕於危。遂毅然內斷於心。用布蘭哥爲相。布蘭哥。亦政黨之黨人也。葡國之政黨。其不以瘠民肥己爲目的。而毅然特立於舉世皆濁中者。惟屬於布蘭哥之一黨而已。布蘭哥高尚勇敢。疾惡如仇。惟性情不免於偏執。既爲相。一千九百七年。先中止憲法。排萬難以絕政治腐敗之根本。而首自對於王室之改革發其端。王室之歲費。增加少數。而絕其秘密之濫用焉。布蘭哥此舉。可謂知所先後矣。而孰意禍變之來。卽肇於此。蓋王政黨之目的。既述於前。故掌握政時。乘王室之困乏。賂之以濟其私。其慣

巴黎之美人（世人謂其與葡王有親密之關係）



也。然以此違身冒不韙。而爲國民之公敵。王政黨之不利其改革者。復從而贊成之。於是共和黨乃切齒於布蘭哥矣。喀爾羅斯之被殺。亦曾疑共和黨所爲者。亦以是也。然共和黨嘗言曰。余輩始雖與於陰謀。然其目的。惟在放逐布蘭哥而已。則雖王之舉。固非出於共和黨意。況禍發於逮捕王政黨之日。則其爲王政黨所爲。益顯然可見。葡萄牙之王室。已危如累卵。喀爾羅斯又被殺。國其亡矣。然

技也。而布蘭哥乃奪其素所挾持之具。故多數之王政黨反對之。謀爲秘密之舉動。布蘭哥探知之。方集閣僚。議其處分。作逮捕之命令。請王署名。而喀爾羅斯。卽於是晚與其太子俱死於炸彈矣。一千九百八年一月事也。嗟夫。布蘭哥之銳意改革。先限制王室之濫用。則其中止憲法。殆以國會議員。多王政黨。恐反對其政策。撓之使不得行。故先解散之而停其召集。以免改革之阻礙。未必欲變立憲爲專制

以革命之機未熟。故猶不絕如縷。王政黨率喀爾羅斯之次子瑪奴埃爾卽位。共和黨亦承認之。時其年僅十有九。性耽安逸。以繪畫自娛。嘗欲爲海軍軍人。然不堪少時之航海。又以狎暹巴黎女優。招國人之詬病。母后瑪黎。


被濫用國財之名。不復干涉外事。其叔倭坡爾托公。雖時時與於閣議。而非其所好。布蘭哥又出亡於外。故瑪奴埃爾既少不更事。復無可倚任而與謀大事者。遂不得不忘殺父之仇。而委政於瘠民肥己之王政黨。其橫暴之甚於昔日。固不問可知。且爭利爭權。恣爲傾軋。瑪奴埃爾在位不及三載。而內閣之更迭者六。其最後之執政。爲改革黨之首領。親與於弑王之事者也。瑪奴埃爾知之。而不能不強表同意。亦可哀已。其時共和黨之

勢力。日漸擴張。政府初壓制之。不克。則改而懷柔之。最後探知其舉事之確期。猶不為何等之防備。而與之通款。以冀其復歸於和平。一千九百十年十月五日。共和黨起事。破擊王宮。瑪奴埃爾率其王族出奔。王室遂覆。越三月而事定。共和政府成立。於是葡萄牙遂為新共和國矣。

之初。復藉口於英國之交涉。而大起騷擾。勢遂漸盛。又以巴西國王政之顛覆。(一千八百八十九年)共和政治之思想。乃深入葡民人人之心。而投身於共和黨者遂日多。復乘王政黨植黨營私。互相傾軋之際。而游說全國以肆其運動之手腕。且多設學校。俾所養成之青年。皆感化其黨派之主義。復以新聞紙鼓吹其主義。以歆動國民之成年者。於是共和黨之團結。遂益鞏固。



總統白拉茄氏



外務大臣麥喀佗氏



內務大臣梅爾大氏

不及十之二。毫無政治思想。雖號立憲。仍俯首帖耳。受制於少數人之下。故葡之王室政黨。暴戾恣睢。肆行無忌。雖聞鄰國之革命。曾不一動於其中。固以共和黨產生於此等國民之中。為事理所必無者也。而孰知一千八百七十三年而「葡萄牙共和政」之標題。乃突現於黎買所發行之政治新聞也哉。是時共和黨始萌芽。入其黨者頗少。故於西班牙共和黨之擾亂。未嘗有毫末之影響。閱五年而新共和黨出。基礎乃立。喀爾羅斯即位

而勢力日張。然猶慮外國之干涉也。其中英以國防上。法以財政上。關係較他國為重。乃派黨員至英。謁其政府之有力者。陳述革命之由。並誓言不變更對於英國之義務。英外部大臣。遂假託他事。聲言不干涉葡萄牙之內政。且派員至法。而亦得其不反對之意。共和黨知英法既不干涉。則他國必無異議。遂因巴西國大總統來葡。人民羨望共和政府之際。殺瘋癲院長及一中尉以為起事之導。而革命之機發矣。葡王之不及於難者。


特共和黨不欲被殺害王族之名耳。

葡萄牙既爲新共和國。其革故鼎新。出葡民於水深火熱之中。而與之更始者。其責任固全屬之新政府。幸哉新政府之組織。當路者皆富於學識之人也。新總統白拉茄自幼抱共和主義。以言論風動全國者數十載。

雖外國亦知其名。固共和黨重要之人物。即外務大臣麥喀佗。亦外交之能手也。初屬於王政黨。曾列內閣。繼以葡國改革。非行共和政不可。遂入共和黨。軀幹雖短小。而無猥瑣之狀態。以善於交際稱。其當財政之任者。則爲立爾華司。當黨中與英法交涉時。曾與買黎同被選派。嘗著葡國經濟問題一書。討論葡國之農業。言多中肯。固夙究心於財政者。其任內務大臣者爲挨爾梅大。亦一時之選也。新政府之組織如此。則其發揮政見以見之設施。而造福於葡民。非獨葡民之延頸企踵以望太平也。觀國

者亦將拭目以俟。

雖然。新政府之設施。其果足以贖葡民之望乎。夫共和黨舉事之先。其所挾以游說全國者。固謂共和政一成立。即可舉葡民所疾首蹙額之積弊。廓而清之也。故財政之基礎。若何而可以鞏固。以及教育宜若何推廣。租稅宜若何減輕。當黨人口講指畫時。固惟恐其言之不親切。不足以聳聞之者之聽。以達其鼓動之目的。初何嘗計其言之克踐與否。彼葡民者。狃於所聞。且謂王政苟顛覆。其撥亂世而反之正者。直易如反掌。則今日之抱政府萬能思想。以責難於共和政者。亦無足怪。特葡國財政之紊亂已極。新政府承舊王政之後。



英兵保護葡皇

雖亟欲救正。而富源之開發。國用之整理。斷不能收効於旦暮之間。而無米難爲炊。推廣教育減輕租稅之未見設施。亦事之所必至。於是向之助共和黨以顛覆王政之葡民。以共和黨之不

能踐其言也。而對於新政府遂不無失望。

葡民既失望於新政府。而王黨又力謀恢復。故新政府方注全力於防遏。造船制械。日不暇給。而未遑他顧。蓋葡廢王雖出居於英。而常與王政黨員。集議海外。王黨之在國內者。時復蠢動。暴徒又屢起變亂。今年選舉時。王黨欲乘間起事。以有備不果。利司波阿府內。人心洶洶。富者多寄其儲蓄於外國銀行。外人之旅葡者。亦皆樹其國旗於門外。以免亂事之波及。新政府雖時偵知王黨之謀。逮捕鎮壓。而亂機卒未殄。且葡國之軍隊素反側。平日惟以求增餉望轉職爲事。蔑視紀律。兵士好反抗其長官。並有秘密結社之舉動。當共和黨起事之先。其黨之新聞紙。徧佈於營中。革命時最爲盡力之砲兵第一聯隊。購入者且日五十部。觀此則軍隊之價值。可以想見。故共和黨雖賴其力。然以此等無政府主義之徒黨。易於鼓動。他日若繼續其行爲。必致國家潰亂。亦未嘗不深慮之。今者向背不常之軍隊。雖隸於新政府之下。而時有反亂之恐。此亦足增新政府之憂者也。

且排斥僧侶。亦爲共和黨目的之一。葡國之僧侶分三派。一曰全西德派。設康樸理道大學。爲葡國惟一之教育及理學普及機關。多通曉物理化學博物之學者。一曰弗蘭西斯康派。頗發表

近世之學說。羅馬教會。禁止其發行。兩派爭鬪甚力。時有所聞。一曰道密尼坎派。昔亦與全西德派爲敵。今則將絕。此等僧侶。知識卑下。葡民反對之者多。共和黨對於僧侶。素抱惡感。而疾視全西德派尤甚。屢贊成排斥之政策。新政府成立後。漸見實行。然教皇則痛詆之。斥爲仇教。僧侶亦有謀所以反對之者。雖能力薄弱。殆無足慮。而當此王黨力謀恢復時。或且爲所利用。而增加其反動力。則新政府所可憂者。此又其一也。嗟夫。葡國三百年來。變亂相尋。國之中絕者屢。而王室驕恣政黨專橫又如此。雖有善者。無如之何。王政之顛覆。豈在數年來之近因。然以葡民之貧而且愚。則改絃更張。固非可於咄嗟之間收其効。新政府之慘澹經營。已非易事。而況王黨之陰謀。復掣其肘。且僧侶之反抗。軍隊之思亂。皆足以紛其心。故雖承財政紊亂之後。不得不悉索敵賦。以專用於偵捕。而推廣教育減輕租稅之豫期。只能置爲後圖。一任國民之失望。而向所謂撥亂反正如運之掌者。幾成虛語矣。此固新政府日夕焦勞。而無可如何者也。然鵲蚌之爭。相持不下。必將有坐享漁人之利者。吾恐王政既顛覆。共和政府或將繼之。而他人入室。復有如百年前之拿破崙者。因不禁爲新政府危。而願彼之抵抗新政府者一深長思也。

紀廣州亂事

杜山佳

緒言

此次廣州亂黨。以數十人攻撲督署。軍械銳利。氣勢兇勇。殊為近年來所罕見。幸事前已有防範。得以迅速撲滅。而餘黨猶四竄起事。居民風鶴屢驚。今雖一律肅清。而亂黨之流亡海外者。尙有蠢動之勢。蓋已亂之道。僅恃兵力。可以治標。不可以治本。正本清源之道。固在政府之整理政務以慰民望。發達經濟以厚民生。而尤以採輿論以達民隱。去壓制以洽民情為急。使四百州以內。不復再有此慘殺之事。則記者之所望也。


廣州滿洲副都統兼署將軍孚琦




亂事之先聲

三月初十日比人試演飛行機於廣州附郭之燕塘。時廣州將軍增祺奉 召入覲。滿洲副都統孚琦。兼署將軍。察看燕塘地勢。乘便往觀。觀畢返。行至東門城外諮議局之前。突有一身穿藍衣者。迎面放槍擊之。中額。輿夫棄輿遁。衛兵聞散。將軍之子同往。亦急避入諮議局。以電話告警。兇手復連放三槍。中頭部腹部。遂棄槍向東門逸。迨巡警道等聞警奔視。則將軍已殞命矣。兇手旋為巡士尾追捕獲。粵督張鳴岐即電奏。奉 旨

溫生財





北人燕塘試演飛機爭軍臨觀之景況

切實研訊。並以張鳴歧兼署將軍。兇手溫生財。嘉應州丙村人。素充長隨。旋出洋學習工藝。聞黨人演說革命宗旨。甚為信服。遂投入革命黨。回華後。專持暗殺主義。願犧牲性命。非與將軍挾有私仇。亦非有人主使。及有知情同謀之人。雖投身革命黨。而於黨中佈置。茫無所知。張督據供入奏。十七日請旨正法。旋奉旨照陣亡例賜卹。並予諡恪愍。溫生財初就獲時。曾言本欲刺粵督。以與從相似而誤。又言誤以孚琦為增祺。蓋此事雖屬暗殺。似與此次亂事。性質不同。然亦亂事之先聲也。

督署之轟擊

孚將軍被刺後。粵省屢有革命黨起事之謠。張督與水師提督李準及文武官吏。即廣派偵探。並調防營至省。嚴密防範。旬日內水陸兵輪營汛。迭搜得私運軍火多起。二十九日申初。署巡



兩廣總督張鳴歧



廣東水師提督李準

警道王秉恩拿獲革命黨九人。酉正。革命黨數十人。懷挾槍彈。佩白帶為號。由司後街衝至督署。黨首五人洋裝乘肩輿。至督署頭門外。下輿。即響號放槍。衛兵閉左側門。為炸彈轟開。衛兵退至大堂。革命黨一人首先前進。兩手持槍。向大堂直轟。隨轟隨擲炸彈。一人一手放槍。一手吹號。數十人隨其後。蜂擁而入。各衛兵伏於大堂旁之磚門後放槍擊之。當先者中彈斃。吹號者繼之。餘黨亦多斃者。十餘人攻入二堂。衛隊管帶金振邦陣亡。時張督已暫避署外。革黨入內署。徧覓不得。遂縱火。

出至二堂前道。衛兵伏擊之。多槍斃。生擒者二人。革黨紛竄。衛兵多傷者。時督署西偏箭道火起。延及二堂。衛兵仍專力截擊。水提及各路援兵皆到。與革黨巷戰良久。復分投圍捕。餘黨散匿。閉城嚴搜。二更火熄。當革黨撲督署時。另分一股往劫軍械庫。以有備被擊退。又分十餘人出歸德門。十餘人出大南門。迎堵外來援軍。由歸德門入援之官軍。與革黨遇於高第街。擊斃革黨一名。餘黨紛竄。水師之登岸者及水陸各防兵。由大南門入援。至雙門底。與革黨遇。迎頭痛擊。革黨奪路向內城逸。擒一人。革黨並分一隊搗旗下街。以先已戒嚴。不得逞。被旗兵轟斃多人。是役共斃革黨二十餘人。生擒八人。官軍亦有死傷。訊生擒之革黨。均直認不諱。並稱該股共有三百餘人。由香港及省外分搭輪船火車。陸續來省。原擬二十六二十八日起事。均因准備不及。改遲初一。因今日三點鐘。同志九人被獲。




革黨七名在山上之狀

故即時轟擊督署。是夜。張督即電致軍機處代奏。奉旨著張鳴岐認真督飭文武。搜捕餘黨。從嚴懲治。三十日張督駐水師提督行轅。令嚴閉城門。並令輪船火車均停開。且嚴查往來電信。官軍搜捕革黨。屢接戰。互有死傷。革黨漸散。張督乃以餘孽肅清電奏。蓋此次亂黨。以事機已泄。故為此先發攻人之計。發速禍小。固亦不幸中之幸也。

省外餘黨之起事

省外革黨知事泄。東竄順德縣之樂從墟。午刻。有革黨數人。在該處演說。初聚數十人。約數分鐘時。已有數百人。各鋪戶紛紛閉門。黨人愈聚愈多。遂四處豎旗。其旗四面皆紅。角藍色。中作白圓形。佔圓練分局為大營。奪局中槍械。聲言接濟省城。日夜煽惑鄉人入黨。樂從巡警。以衆寡不敵。匪不過問。革黨不擾居人。且出安民示。河南新村大墟之鉅匪李登。率黨羽往附。四月初一日。革黨至



陳亞才

宋豫琳

韋雲卿

徐滿凌

梁緯

徐亞培

鷺溪公局搶奪槍械。聲勢益震。聚至千數百人。粵督聞警。急派江軍江固兩兵輪往援。是晚至。用探海燈照射。革黨見是兵輪。紛紛散去。初二日下午。革黨大股由樂從墟渡河。取道瀾石。進襲佛山。半渡時。江固江軍兩輪。發砲轟擊。江軍輪桅頂有



羅聯

饒輔廷

羅裕坤

機關破。同時可發二百四十響。擊斃革黨百餘名。紛紛落水。江軍管帶亦中槍斃。并傷水勇五名。輪中飛彈如雨。各兵仍力戰。革黨退。由淺水河窄渡。兵輪吃水深。不能前。革黨無佛山。約三百人。入正埠。由馬頭撲攻。並預伏內應。焚都司署。

燬其頭門。旋炸毀正埠警卡。為兵輪擊退。轉至鎮外之通濟橋。與防兵遇。擲發炸彈。斃其管帶馬惠中及勇二十七名。革黨多死傷者。防兵仍扼守抵禦。各防兵團勇踵至。革黨戰不利。退守通濟橋對面之山崗。時順德屬之容奇、桂州、龍江、龍山、甘竹、馬甯、南海屬之九江等處。有會匪揚榜招人起事。四面響應。勢甚危急。初二早。香山協馳駐水藤。遮斷龍江龍山會匪來路。故不能與樂從墟革黨相接。順德協亦繼至。李水提派統領吳宗禹率大隊由省城乘火車至佛山。勦辦革黨。革黨四散。初三日。事定。各處會匪皆竄。李登亦潛回河南。

亂事之餘波

四月初一初二。省城仍停止輪船火車。初一日西門開數小時。仍閉。人心惶惑。多遷徙以避亂。初三早。西關一帶。傳言佛山文武皆遇害。城門又閉。辰初。開礮聲。每放三響。約七八次。已初。紛傳石圍塘槍聲極多。遂疑革黨已至。及午。忽聞礮聲極烈。時大雨如注。有數人因無傘急行。乘一哄隨之。途人紛紛驚走。巡警亦張皇奔避。並呼商店關門。西關一帶民居鋪戶。無不關門停市。逾時雨霽。勢始定。當驚擾時。隔海之河南。城東之燕塘。均同時紛擾。駐城外之二標新軍。疑城中有變。咸戒嚴以待。泊白鵝潭各國兵輪。因路上紛擾。亦整隊上沙面守衛。佛山亂平。張督李提出示曉諭。安定人心。於省城一帶及外府各屬。均各添調大兵。並加派輪船兵船。水陸梭巡。又在省添募保安隊三營。由紳商聯絡商團。互相保衛。省城大小南門。大小東門、文明門、西門、歸德門、均照常開放。仍派兵防

守稽查保護。是役革黨雖不擾及外人。而英德法美。皆調派兵輪來粵。以保護僑商。居民當官軍與革黨持戰時。亦有被彈傷斃者。張督李提。以惠州潮州有起事之謠。會電海軍部。請調軍艦來粵巡惠潮洋面。海軍部允派五艘。並奏請調廣西提督龍濟光帶兵來粵。以資鎮懾。奉旨准行。初七日午刻。張督偵知革黨匿德良窰溝。派大兵圍捕。革黨僅數人。持短槍抵拒。斃一人。餘均突圍他竄。

肅清後之獎勵

張督電奏。粵垣亂黨。一律肅清。人心大定。佛山順德股匪。均已擊散。請將尤為出力員弁。先予破格獎勵。初九日奉諭。此次廣東變起倉猝。大局岌岌。幸賴將士用命。用能迅速撲滅。逆首就殲。在事各員。踴躍爭先。自應量予獎勵。以資激勸。廣東水師提督李準。著賞穿黃馬褂。署巡警道王秉恩。著賞給振勇巴圖魯名號。統領廣東候補道吳宗禹。著仍以道員記名簡放。並賞給勤勇巴圖魯名號。署廣州協副將瓊州鎮總兵黃培松。著賞加頭品頂戴。並賞給卓勇巴圖魯名號。四川補用守備吳卞高。著以參將留於廣東外海水師儘先補用。並賞加副將銜。用示鼓勵。現在廣東伏莽尚多。仍著張鳴岐督飭營隊。嚴密設防。切實偵緝。俟龍濟光統帶抽調營隊到粵後。再將防守事宜。妥籌布置。以靖內奸而消隱患。此次廣州亂事。旬日而定。人咸多張督辦理之迅速。凡擒獲之革黨。一訊供。卽正法。不復多所株連。蓋張督之意。固第求靖亂而止。而不欲多殺人也。曾對粵紳及新聞記者述其意見云。



西洋立身

編 (續第二號)



第三 職業

大凡生而爲人。不可不有職業。無職業而存於世上者。祇貴族與富家子耳。千萬人中。免職業之勞苦者。爲數甚少。然人苟知無事之苦況。決不希冀免職業之勞動。世人恆情。以無爲爲極樂。實則大謬。英國文學家查理斯浪姆者。曾充東印度商會之會計數年。一旦解職。大喜曰。自今伊始。十年以內。雖能得萬鎊之巨金。亦不願重入此獄舍。我今得自由矣。自由之狀況。殆如空氣焉。今後我可多得五十年之壽命。人生所行最好之事。即不作一事是也。而慈善事業次之。其言雖如是。但閑居未滿兩載。已恍然大悟前說之謬誤矣。夫無爲閑游之人。由旁觀者視之。宛如見一美麗之衣服。不勝其羨慕。迨自加諸身。則始知其惡劣。而去之惟恐不速。浪姆氏既已覺悟之後。乃改前說曰。不勞動較過於勞動爲難堪。美國紐約之監獄章程。往往以不准作事。爲責罰罪犯之方法。受此責罰之罪犯。恆苦無事。而爭向獄吏求業。故哥敦氏有云。因厭倦而賭博者。較諸因貪慾者爲多。因厭倦而暴飲者。較諸因渴飲者爲多。因厭倦

而自殺者。較諸因失望者爲多。法國貴族凱留士伯爵。自幼生長於富貴之家。因無所事事。而爲彫刻之業。彼嘗語人曰。我之從事於彫刻。欲藉此以免自殺耳。然則世之以無爲爲極樂者。熟思是等事實。亦可以憬然悟矣。

羅馬詩人好理施氏。戒著作家之言曰。吾人每作文。不可不選相應於自己之才力之題目。豈特文家爲然。吾人各自選定一生之職業。亦當如是。在西洋所競相崇尚者。爲法律、醫術、神學、三種。是以西洋之青年。不自顧其才力。極欲趨社會之所好。冀得成就律師醫生牧師。終至畢生陷於不幸者。頗不乏人。使是等青年。知己之才力所能勝。早選定他種適當之職業。或成第一流之機器師。第一流之美術家。皆未可知。惜哉。世之少年。誤於虛榮之希望。而自陷於不幸者之多也。哈士列德氏曰。若少年無語學之才。而尙善於舞蹈者。則可託之於舞蹈教師云云。蓋人生斯世。碌碌無所成就者。推其原因。皆由於當初選擇職業。不得其當。有以致之。據統計家言。美國大都會之商人。能昌盛其業。著名於當世者。百人中止三人。餘皆中途破產或廢業者。其故決非因運命不佳。亦非因意外之變。實以無商業